

Revelesen

Ru kagin

1 ¹Gubak mi ru en mianuk lo yen a. Ago man Jesus Kristus iñsen kuai te iganeg ilasa ya. Anut sen ru en Jesus ikubiai panig an lo iñ iñanen urat tamol adi, melmel murnap riranan ilasa san, amaiak niñedi wo ikubiai pidinai dop duloñ a. Ago dugo Jesus ru en kuai ipani wo iñanen eñel idinig, ru en isini ipalug ñai Jon, Jesus anen urat tamol ipanag a. ²Ñai Jon, mel fidian malag ñutun lo ñile amaiak, buk en lo ñigire ya. An man Anut san ru agod ru rumok Jesus Kristus ikubiai panag a. Aria, ñai igo ñabol da, ru en man rumok a. ³Ru en man profet ru, Anut san nag ipalu ya. Talpein ta iñ ru en aenta lulujad lo isuti dan, iñ Anut san bar iñane wa. Agod tamolpein a talpein an awan duloñ go duri dupani dan dam, Anut san bar diñane wa. Man dugo, Kristus san ru nuñon ifu san saen sumeik ipalu la ya.

Jon Kris midaeñ seven sad na ru igire ya

⁴Ñai Jon, ñai ru e ñigire yen man añ Kris tamolpein nek a Kris midaeñ seven, tan Esia lo amado dan añsami a.

Anut gamu imado dak, gubak mi imado ya, agod murna dop ipalu wa. Iñ ka ilon ipanañ dop, ilo maror amado san ipanañ a. Agod ur seven Anut san kalik naon na dumado dan, iñ dam ilo panek, agod ilo maror amado san ka dupanañ a. ⁵Nek ago mi, Jesus Kristus dam, ilon ipanañ dop ilo maror amado san ka ipanañ a. Iñ Anut san ru itaot geig ibol ilasa da. Iñ mi tamol malan te geig mutou^a lo imasa ya. Agod iñ dam kiñ adi e tan na dumado den sad Tubun a.

Iñ id niñed o tubun mi imat da, agod iñanen dar lo idsad aupasek fidian mi isasi panad an lo, muruan tiag kawan tumado da. ⁶Agod iñ itumanad go iñsan kagin panek paen na tumado da. An lo man Kristus id idirad go iñsan Taman Bai san pris adi igo woñ gamu tumado da. Aria, id saen fidian lo Jesus yajan tabisap yau a. Iñ mi saen pempem melmel

^a Nitou

fidian itirnai san dabai aman da ya. Idsad per panek pempem nek ago yen yau a. Rumok.

⁷Ale. In keit lo timtaen titinjaem imado dugo ipalu da!

Ago dop tamolpein fidian mi in sed malad lo dile wa.

Tamolpein a gubak mi yu nam in dusue yan dam dile wa.

Gugoi fidian a tan titin fidian lo dumado dan, Kristus ipalu dop dilep,

an lo ilod tubun mi saian pe tinaŋ tubun mi geig digane wa.

Nek a, rumok!

⁸Anut igo ibol, “Ŋai mi imug ŋumado dak, agod ŋai mi murna ŋumado da. Ŋai gubak mi ŋumado yak, ŋai gamu ŋumado da, agod murna dop ŋupalu wa. Ŋai mi dabai fidian amag da ya.”

Jon in Kristus ile ya

⁹Ŋai Jon, ŋai aŋanem teimi, ŋai aŋ da Jesus san warou lo tumado da, agod ŋai aŋ da tutumanig id sisem muruan da madai da tisini da. Ŋai aŋ da Kristus san kagin panek lo tumado da, agod id fidian mi tatur dabai dugo muruan tisini na ya. Ŋai Anut san ru, agod ru rumok a Jesus ikubiai panad an dam ŋabol ilasa na ya. An niŋen o ŋai dukudag go subanek tamol oŋ ŋaug, nui ta yaŋan Patmos dubol dan te ŋumado se ya. ¹⁰Ubou nal ta lo, Awan Urgun in ŋaisag ilo sou itirni dugo, tamol ta awan dabai geig ak, nek ibol barag san lilaŋan igo woŋ, ŋai patug na iwagiŋ dugo ŋaloŋ a. ¹¹Awan an irupaiaŋ go ago ibol, “Mel fidian e ule den man, buk lo girep, Kris midaeŋ seven an sad na ganep yau a. Oŋ ka ganep Kris midaeŋ o taun Efesus, Smerna, Pergamum, Taiataira, Sardis, Filadelfia, agod Laodisia na yau a.”

¹²Agog ŋai tamol enti ŋaisag na in iŋeŋ dan ŋile wo ŋadaŋsa man, lam gol seven an dutur dugo ŋeil a. ¹³Agod ŋai tamol kisaek lam an luluaŋad lo itur dugo ŋile ya. In nek ibol “tamol nanun oŋ a.” In kulos milaen ak iganeg ŋien ibuluwi a, agod in let gol titire na igane ilubani a. ¹⁴Gumuran roun man milkouk geig a, nek ibol sipsip fufulun oŋ, tia, timtaen milkouk ak igo woŋ a. In san malan man nek ibol yai ided dak ago mi a. ¹⁵In san ŋien man milkouk geig a, nek ibol bras yai tubun ak fo dumarig san ilalaŋ ad ided dak igo woŋ a. In awan ŋaloŋ ak san liliŋan man, nek ibol dog kuror ak lo you isokalik dop san liliŋan tubun geig ak igo mi a. ¹⁶In patui seven banin won ak ate yabi da. Agod sabiri milaen di malan uraru luon geig a, in awan lo yen dugo ipalug ilasa da. Agod in san naon man ilalaŋ geig a, nek ibol ad san ilalaŋ dabai ak ago mi a.

¹⁷Ŋai in ŋile dugo ŋien fun na sumeik mi tamol imat ak igo woŋ ŋau ŋadu ya. Ak man in banin won ak iwateg ibiaŋ dugo irupaiaŋ, “Oŋ ta urer na wa. Ŋai malan te geig ŋumado dak, agod murna geig ŋumado da. ¹⁸Agod ŋai tamol kumaen san ŋumado da. Gubak mi ŋai ŋamat la ya, ak

gug ule, gamu ŋai kumaen pempem ŋumado da. Ŋai materŋ san ki agod tamol dumat la yak sad abedi san ki dam ŋabi da.

¹⁹“Ago yak niŋen o ŋj melmel e ule den, nek melmel gamu e yen den, agod melmel murnap dilasa wak dam, buk lo gire idu wa. ²⁰Ŋj gubak mi patui seven an banig won ak ate dien dugo wil la ya, agod lam gol seven an dam mi a. En man iŋ mel mianuk a, agod fun man igo ya: patui seven en man, Kris midaeŋ seven amaiak sad eŋel adi, agod lam seven an man Kris midaeŋ seven amaiak iŋsedi a.

Ru Efesus Kris midaeŋ sad na yau a

2 ¹“Ŋj ru ta girep taun Efesus na Kris midaeŋ sad eŋel malan te yan san na yau a. Ru man igo ya.

Tamol enti patui seven banin won ak ate yabig, lam gol seven lulunad lo tureŋ yabi dan, ru en aŋsam na iganeg ipalu da. ²Aŋ Kris midaeŋ, ŋai aŋanem kulob fidian, aŋanem urat dabai ak, agod muruan lo atur sakar na yan ŋaloŋ la ya. Ŋai ŋaloŋ ak, tamol saiadi ak niŋedi wo ayalis da, agod tamol ensauta a iŋsed aposel ago dubol dak gug iŋ aposel tia yan, bitinaek lo adiraig an lo iŋ kuai te dilasa man iŋ sewak tamol adi mi a. ³Aŋ muruan tubun mi dupanaŋ bo man atur dabai dugo, ŋai yaŋag niŋen o madai wei mi asini na ya, agod an lo dam aŋ ta ayalis na ya.

⁴Ak gug ŋai aŋ niŋemi wo ru igo yak amag da ya, saen aŋ imug ilom rumok an lo aŋ ŋai o tubun mi amat se ya, ak gug gamu saen en lo man ŋai o tubun mi ta amat na da. ⁵Aŋ au adu geig an niŋen o ilom isou wa. Aŋ gidad ilom ibilisa wa, agod kagin naok imug mi agane se yan ago mi fon agane wa. Ak gug aŋ ago ta agane na dop man, ŋai aŋsam na ŋupalup, lam a iŋanen aben ate itur dan ŋupasip ŋabal yau a. ⁶Ak man aŋ kagin uyan ak kisaek amam da ya. Aŋ tamolpein warou a yaŋad Nikolaitan dubol dan sad kagin niŋen o ilom tubun mi saian da, an lo aŋ ŋai da iŋaned kagin an niŋen o ilod kisaek a.

⁷Aria, talpein enti kududon da dop man, iŋ gidad Awan Ur ru e Kris midaeŋ irupidai den ilonŋ uyanan a. Talpein enti yu igane itout dop, ŋai dabai ŋupanip an lo, kumaen san ai ate anaŋ iŋanep yani wa. Ai an Anut san abi yaŋan Paradais dubol dan, ante isa da.

Ru Smerna Kris midaeŋ sad na yau a

⁸“Ŋj ru ta girep taun Smerna na Kris midaeŋ sad eŋel malan te yan san na yau a. Ru man igo ya.

Tamol enti gubak mi imado yak, agod murna dam imado wan, agod gubak mi imat ak, gug gamu kumaen imado dan, ru en aŋsam na iganeg ipalu da. ⁹Ŋai aŋsam na muruan di, madai dam ilasa yan ŋaloŋ a. Agod ŋai ŋaloŋ ak man, aŋ filiam tiag amado da. Ago bo man aŋ filiam amam da geig a. Taida mi, tamol aenta dam aŋ niŋem o uf ru dubol dan ŋaloŋ

a. Tamol an iŋ Juda sadi ak ago dubol da, ak gug iŋ Juda sad tia geig a. Iŋ Satan san midaeŋ mi a. ¹⁰Saen kitekan dap aŋ muruan asini wa, ak gug an niŋen o aŋ gidad ilom ta irer na wa. Ŋai ŋurupaiaŋ da, Satan ago igane dop, iŋ tamol aenta aŋ lulunam lo subanek lo idirai a, ago dop an lo aŋ ikubianaŋ a. Saen an lo dop aŋ nal 10 muruan iŋ madai da asini wa. Gidad oŋ dufuno umat a, oŋane ilo rumok ŋai lo yan wabi dabai dop yaup umat a. Ago dop man, kumaen pempem mi mado san kob ŋupano wa.

¹¹Aria, talpein enti kududon da dop man, iŋ gidad Awan Ur ru e Kris midaeŋ irupidai den iloŋ uyanan a. Talpein enti yu igane itout pe, iŋ mateŋ murnai an iriŋani dop madai an ta ile na wa.

Ru Pergamum Kris midaeŋ sad na yau a

¹²“Oŋ ru ta girep taun Pergamum na Kris midaeŋ sad eŋel malan te yan san na yau a. Ru man igo ya.

Tamol enti sabiri milaen di malan uraru luon geig ak yabi dan, ru en aŋsam na iganeg ipalu da. ¹³Ŋai aben a aŋ amado dan ŋaloŋ uyanan a. Satan san kalik ante yen da. Ak gug aŋ ŋaisag yaŋag abi dabai da, agod aŋ ŋai niŋeg o ilom lo rumok a, aŋsam ilo rumok an tamolpein naod na ta atos na ya. Tamol Antipas amaiak ŋaisag a, aŋsam panu nek a Satan imado dak ate iŋanen ilo rumok ŋai o ibol ilasag niŋen o dufunig imat a. Ak gug saen an lo dam aŋ ŋai patum ta apanag na ya.

¹⁴Ak man ŋai aŋ niŋemi wo ru aenta amag da ya. Aŋ Pergamum na amado dan lulunam lo, tamolpein aenta iŋ tamol a Balaam dubol dan san kagin diabi da. Balaam san kagin man igo ya. Gubak mi kagin sewak Balak ikubiai panig, an lo Isrel tamolpein irawai dugo, aupasek lo diau dudu ya. An lo Balak Isrel adi iduduwaig, mudan a gob adi tubud sewak yai digane pidinai se yan diani dugo, jeit kagin dam digane se ya. ¹⁵Nek ago mi, tamolpein naok ago yak ta aŋ lulunam lo dumado da, iŋ warou a Nikolaitan dubol dan sad piteŋanek duri dupani da. ¹⁶Ago yak niŋen o aŋ ilom ibilisa wa. Tia dop, ŋai gugurut nam aŋsam na ŋupalup, sabiri e awag lo yen den, ate tamolpein an ŋafu wa.

¹⁷Aria, talpein enti kududon da dop man, iŋ gidad Awan Ur ru e Kris midaeŋ irupidai den iloŋ uyanan a. Talpein enti yu igane itout dop, ŋai mana a mianuk lo yen dan kitek iŋ ŋupanip yani wa. Mana an Isrel adi tan kawan ak lo diani se ya, ak gug gamu mianuk lo yen da. Agod ŋai pat milkouk ak ta dam ŋupani wa. Ŋai pat ante yaŋak foun ak ta ŋigire wa, ak man yaŋak an tamol sen ak ta fun iloŋ san tia ya. Tia, talpein a pat iŋane dan mi yaŋak an fun ka iloŋ a.

Ru Taiataira Kris midaeŋ sad na yau a

¹⁸“Oŋ ru ta girep taun Taiataira na Kris midaeŋ sad eŋel malan te yan san na yau a. Ru man igo ya.

Ru en man Anut Nanun an̄sam na iganeg ipalu da. In̄ malan ided dak yai balen igo won̄ a, agod n̄ien dam ided da, nek ibol bras dusosisi uyanan ak igo won̄ a. ¹⁹Kulob fidian an̄ agane dan, n̄ai n̄alon̄ la ya. N̄ai n̄alon̄ ak, an̄ tamolpein nīnedi wo tubun mi amat da. Agod an̄ n̄ai nīneg o ilom lo rumok da. An̄ urat naon sensen ak lo aenta abinawai o agane da. An̄ bo muruan wei mi an̄ lo ilasa dugo atur dabai da. Agod n̄ai n̄alon̄ ak, kulob e gamu agane den, kulob a imug mi agane se yan irin̄ani a.

²⁰Ak man an̄ nīnemi wo n̄ai ru ta amag da ya. An̄ pein Jesebel alefuni dugo in̄ an̄ da amado da. Pein an̄ in̄ profet ak ibol da. An lo in̄ n̄aineg Kris tamol adi irawai dugo jeit kagin lo diau dudu da. Taida mi, in̄ mudan a tamol aenta tubud sewak adi yai digane pidinai dan ka diani wo man̄au ipitejanai da. ²¹In̄ ilon ibilisa wo n̄ai ilog yen da, amaiak nīnen o saen subun̄an taidam n̄upani a. Ak gug ilon ibilisap jeit kagin ibisei wo man imoi a. ²²An nīnen o n̄ai pein an̄ subam lo n̄iganep, madai tubun ak in̄ane wa. Ago dop tamol adi dida jeit digane na yan, pein an̄ san kagin saiak ta dibiseip ilod ta ibilisa na tap, an nīnen o n̄ai muruan tubun ak, agod madai tubun mi n̄upidinai a. ²³Agod pein an̄ in̄anen warou adi dam n̄afup dumat a. Ago dop an lo Kris midaen̄ fidian dulon̄ ak, n̄ai man tamol ema ya: n̄ai an̄ ilom ilon lo, agod an̄anem kankan lo dam n̄ukubianip an̄anem bunun mok mi n̄ile uyanan a. An nīnen o kulob dugo agane dan in̄san naon n̄ai an̄ kisaek kisaek n̄upanan̄ a. ²⁴Ak gug gamu an̄ tamolpein aenta, Taiataira san Kris midaen̄ lo amado dan, pein an̄ san pitejanek ta ari apani na dugo, Satan san melmel imianuk geig go yen dan dam ta alon̄ na dan, an̄sam na ru en n̄abol ilasa da. An̄ muruan subun̄an taidam asini wo n̄ai ta n̄ududuwan̄ na wa. ²⁵An̄ melmel fidian nek a abi dan, gidad abi dabai dop na wa. Ago mi agane dop yaup saen n̄ai n̄amul n̄upalu san ilasa wa.

²⁶⁻²⁷Talpein enti yu igane itout dop n̄aisag ilobol mi iri ipani dop yaup saen wadan idu wan, n̄ai igo n̄urupei da. Bai wagen lo dabai n̄ijaneg, an lo tamolpein n̄itirnai ak ago mi, talpein an̄ n̄ai dabai n̄upanip an lo in̄ dam tan en san tamolpein itirnai a. Anut san ru ago ibol,

‘In̄ itirnai dabai dop kin̄ san makud ain nam ifu irubai a,
nek ibol tamol bod igufutep kilaken kitiktik ilasa dak igo won̄ ago
igane wa.’

²⁸Agod n̄ai patui tidom lom mi mok ilasa dan n̄upani wa. ²⁹Aria, talpein enti kududon da dop man, in̄ gidad Awan Ur ru e Kris midaen̄ irupidai den ilon̄ uyanan a.

Ru Sardis Kris midaen̄ sad na yau a

3 ¹“On̄ ru ta girep taun Sardis na Kris midaen̄ sad en̄el malan te yan san na yau a. Ru man igo ya.

Tamol enti Anut san Ur seven aman da dugo patui seven dam iburou dan, ru en an̄sam na iganeg ipalu da. N̄ai an̄ kulob fidian agane dan

ɲalonɲ la ya. Tamolpein aɲ niɲemi wo igo dubol da, ‘midaeɲ en malad kumaen dumado da,’ ak gug aɲ amat pasik a. ²Aɲ gidad kumaemi amasa dop lo aɲanem kulob kisaek kisaek dumat o sumeik dan dabai apidinai a. Man dugo, aɲanem kulob fidian ɲukubianig ɲile la ya, an niɲen o kulob amaiak ɲaisag Anut malan lo ta itaot na yak ago kuai ɲupani a. ³Amaiak niɲen o ru a gubak mi alonɲ dugo aɲane yan, ilom isou wa. An ari apani dop ilom ibilisa wa. Aɲ ɲionɲ mi abi dop ta amasa na tap, ɲai gumagam tamol igo wonɲ aɲsam na ɲupalu kisaek onɲ a, ak gug saen dugon te ɲai ɲupalu san man aɲ ta alonɲ na wa. ⁴Ak man aɲanem midaeɲ Sardis na yan lulunad lo tamolpein kisaek kisaek iɲaned kulos nun ta dupani na ya. Tamolpein an iɲ kulos milkouk ak didirip ɲai dida mator a, man dugo, iɲ ago digane san man idaisuda ya.

⁵Talpein enti yu igane itout dop, iɲ dam ago mi kulos milkouk ak igane wa, agod ɲai kumaen san buk lo yaɲan ta ɲusuas na wa. Tia, ɲaisag Bai naon na talpein an yaɲan ɲabol ilasa wa, agod iɲsan eɲel adi naod na dam yaɲan ɲupate wa. ⁶Aria, talpein enti kududon da dop man, iɲ gidad Awan Ur ru e Kris midaeɲ irupidai den ilonɲ uyanan a.

Ru Filadelfia Kris midaeɲ sad na yau a

⁷“Onɲ ru ta girep taun Filadelfia na Kris midaeɲ sad eɲel malan te yan san na yau a. Ru man igo ya.

Tamol enti a gun an, agod kagin rumok ak aman da yan, ru en aɲsam na iganeg ipalu da. Iɲ Dawid san ki yabi da, an niɲen o dalawan dugon ipasi man, talpein ta ifutani san tia ya, agod dalawan a ifutani dan dam talpein ta ipasi san tia geig a. ⁸ɲai kulob fidian a aɲ agane dan ɲalonɲ la ya. An niɲen o ale, dalawan ta aɲ naom na ɲai ɲupasig ikasap go yen da, amaiak tamol ta ifutani san tia ya. Ak man ɲai ɲalonɲ ak igo ya. Aɲanem dabai man tusan a, ago bo man aɲ ɲaisag ru ari apani na ya, agod aɲ tamolpein naod na ɲai yaɲag ta atot na ya. ⁹Tamolpein a Satan san warou lo dilasa yan, iɲ Juda sad warou lo yak dubol da, ak gug an rumok tia ya, iɲ sewak tamol adi. ɲai tamolpein an ɲiririaip aɲsam na dupalu dop ɲiem fun na turud dusoluwi wa. Agop ɲai iɲ ɲusodudunaip iɲsiganed awad lo, ɲai aɲ niɲemi wo tubun mi ɲamat ak ago dubol a. ¹⁰Gubak mi ɲai ru en ɲurupaiaɲ a, aɲ muruan fidian lo atur dabai a. Aɲ ru an ari apani na ya, an niɲen o ɲai aɲ ɲubargiranaɲ a. Kubianek saian geig ak ipalu da, an lo tamolpein aben titin fidian lo yan ikubianai wo ilasa wa. Ak gug saen an lo ɲai kagin ɲupanaɲ dop muruan an iriɲanaɲ a.

¹¹Saen ɲai tan na ɲamul ɲupalu wan ipalu sumeik la ya. Melmel fidian aɲ abi dan man, gidad abi dabaip yen a. Kabelan talpein ta aɲanem urat naon igam banau. ¹²Talpein enti yu igane itout dop, ɲaisag Anut san ubou ab lo iɲ bag tamol igo wonɲ ɲuguni wa. Ago dop iɲ Anut san ubou ab ibiseip kuai te ta ilasa na wa. Tia geig a. Agod ɲai ɲaisag Anut san

yanjak inj tinin fo ngigire wa. Agod naisag Anut san taun tubun ak man, Jerusalem foun a, amaiak san yanan dam, agod naisag yanag foun ak dam, inj tinin fo ngigire wa. ¹³Aria, talpein enti kududon da dop man, inj gidad Awan Ur ru e Kris midaen irupidai den ilon yunan a.

Ru Laodisia Kris midaen sad na yau a

¹⁴“On ru ta girep taun Laodisia na Kris midaen sad enel malan te yan san na yau a. Ru man igo ya.

Tamol enti yanan ‘Rumok’ dubol dan ru en an sam na iganeg ipalu da. Inj mi ru rumok san tamol, pempem Anut san ru an itaot geig ibol ilasa da. Melmel a Anut igane yan tamol enti a yanan ‘Rumok’ dubol dan mi sad Tirnek Tamol imado da. ¹⁵An kagin fidian a agane dan nai nalon la ya. An ta bubarum na dak, agod an ta wananan na da. Naisag ilog yen dak man, an wananan amado wa, tia dop, an bubarum mok amado wa. ¹⁶Ak gug an wananan geig tia ya, agod an bubarum mok dam tia ya. An wananan tusan mi a. Ago yak ninen o awag lo nai an ngugulanen o da. ¹⁷Man dugo, an igo abol da, man moni wei mi, agod bioun naok fidian dam amam da ya, an lo mel ta lo katuk am man tia ya. Gug naisag leil lo man, an saiami geig a, tamol fidian an ninemi wo ilod ka imunanen a, an filiam tia ya, agod malam itau di taem kawan amado dan, an an fidian ta ale alon na ya. ¹⁸Amaiak ninen o nai kankan emaiak nupanen o da. An naisag na apalup melmel ibunawan san ka adad a. An gol yai lo dumarig itaotan ilasa yan adad dop man, an filiam mok amam da wa. Agod an kulos milkouk ak tinim atuani san adad dop man, tamol adi an taem kawan amado dan ta dile na wa, an lo miai ta ifunen na wa. Taida mi, an marasin malam te abubuni san adad dop man, aban ka ale wa.

¹⁹Tamolpein a nai ilog npupidinai dan man, nai ru lo kududod nabip bu dam npupidinaip lo inaned kagin naok naok nukubune wa. Amaiak ninen o an ilom ibilisa dop naisag dal ari apai san ninen o dabai agane wa. ²⁰Alon ak, nai dalawan te natur dugo nuwagin da. Ago dop talpein ta nai awag ilon pe dalawan ipasi tap, nai niladup inj da mumado wa. Ante nai inj da anen mani wa.

²¹Talpein enti yu igane itout dop, nai inj dabai nupanip an lo inj nai da naisag kalik fo mumasip mumado wa; nek ibol gubak mi nai dam yu ngigane itout go, Bai san kalik fo nugasig inj da mumado yak ago mi a.

²²Aria, talpein enti kududon da dop man, inj gidad Awan Ur ru e Kris midaen irupidai den ilon yunan a.”

Kumaen panu lo Sipsip Nanun san ubou leil

4 ¹Murnag nai malag yau man, kumaen panu na dalawan ta ikasap lag yen dugo nile ya. Ago man tamol en gubak mi, barag igo won awan tubun mi ibob dugo nalon man, gamu igo ibol da, “On ente palup

sida dop man, ηai melmel murnap ilasa san ηukubiaip ule wa.” ²Agod Awan Urgun tuon aman da ηaisag na ilasag malag ηutun ile kisaek on a. Malag yaug kumaen panu na kin san kalik ta itur dugo ηile yan fufo, Tamol ta imasig imado dugo ηile ya. ³Tamol en insan rafulei man kadabog a, nek ibol pat ta yaηan jaspera dubol dan, agod san daran ak dam nek ibol pat ta yaηan konilian dubol dak igo won a. Galbaob kisaek kin san kalik ilubanig, insan rafulei man mum^b mok, nek ibol pat a yaηan emeral dubol dan igo won ηile ya. ⁴Kin san kalik fun te kalik aenta 24 dutur dulubani a. Matu gurman adi nunod 24 kalik an fufo dumasig dumado da. Matu gurman adi an man in kulos milkouk milmilae ak didiri dugo, kitikat gol lilit aman da yak kabunad fo didirig dumado da. ⁵Kin san kalik fo na weil irafule dugo ηile ya, agod liliηan funfun dilasa dugo weil tubun mi iliηan dugo ηalon a. Kalik malan te yan naon na man sul seven dided dugo dutur se ya. Sul seven an man Anut san Ur seven ama ya. ⁶Agod kalik an naon na man, mel ta ηaisag leil lo nek ibol beig galas igo won, agod you malin malan siηaokan ak igo won a.

Agod dugo melmel iwoiwo kumaedi dumado dan, in kin san kalik dulubanig dutur da. In kalik a sukurun iwoiwo yan da dusatuanig dutur dugo kalik disasunani da. Insad maladi man wei mi geig, naod na patud na tinid fidian iηanefute ya. ⁷Mel malan te kumaen imado dan man nek laion on a. Mel taida mi kumaen imado dan man, makau tamol ak on a. An tinin te taidam, kumaen imado dan man naon nek tamol on a. Agod mel a murna geig kumaen imado dan man, bog ta irou dak igo won a. ⁸Melmel iwoiwo e kumaed dumado den, in anen anen subarid 6 amad da ya. Agod maladi man wei mi geig, tinid ibuluwi yaug, subarid paen na dam yen da. Agod dugo in ad tidom bar en pempem igo diabi da.

“Tubud Anut in dabai fidian aman da ya,
in gun di gun agod gun geig a.

In gubak mi imado yak, gamu imado da, murna dop man ipalu wa.” In yaes bilabal amad tia ru en dubol da. ⁹Melmel e kumaed dumado den, Tamol a kin san kalik fufo imasig kumaen pempem imado dan niηen o, saen pempem mi uyasusai digane da. An lo na yaηan diabisa dugo, ilo uyan dam dupani da. Agod nal fidian melmel iwoiwo kumaed dumado dan, ago mi digane da. ¹⁰Saen ago digane dan lo, matu gurman nunod 24 yan, in Tamol e kin san kalik fo imado den naon na turud dusoluwi da. Agog in Tamol nek a pempem mi kumaen imado dan in ubou an dile da. Agod dugo insiganed kitikat gol aman da yan dupasi dugo, kin san kalik naon na sumeik mi diabibol idu dugo, bar igo diabi da.

¹¹ “Tubun ak, on maηsama Anut, on girager ama da yak, on yaηa lak na geig ak, agod on dabai ama da ya.

^b Grin

An lo tamolpein kagin amaiak niŋen o per dupano wa, agod iŋ ago digane san man oŋ idaisuda mok a.
 Man ata wo? Oŋ mel fidian oŋsigane uloŋ ak lo gane ya,
 an lo mel fidian ganeg dilasa yan gamu oŋ tuo lo mi dien da.”

Buk dufutani ak Sipsip Nanun awan ipasi a

5 ¹Tamol en kiŋ san kalik fo imasig imado dugo, tuon won ak ate buk ta yabi dugo ŋile ya. Buk en man nek ibol pepa milmilae ak dubuleg dufou yak igo woŋ a. Pepa an man girek naon ananae mi dien da. Pepa an dulumu yaug titin seven an lo, kendel san gureŋ nam dufou dababai dugo kendel san gureŋ seven an fidian mi tinid fo na kob ta digane ya. ²Ago man ŋai eŋel ta dabai aman da geig ak, awan tubun mi igo isasaig iwagiŋ dugo ŋile ya. “Tamol idaisuda yak enti, iŋ kendel san gureŋ e lo buk dufoug yen den ka ifulalep ipasi wak i?” ³Ak gug tamol ta iŋ ka buk en awan ipasip, ilon lo girek isuti san tia ya. Kumaen panu lo, tan na, agod tan paen na dam ate aban an diabi se yak gug tamol ta idaisuda yak dile man tia ya. ⁴Saen tamol ta iŋ buk en awan ipasip, ilon lo ru isuti san dile man tia dugo ŋai ŋile man, tinaŋ tubun mi ŋigane da. ⁵Agog matu gurman ta igo irupaiag a, “Oŋ ta tata na wa. Ule, Laion e Juda san dar lo ilasag yen den man, kiŋ Dawid san tubun muroun sad kubuladi, iŋ yu igane itout dugo iŋsan ager adi ibiai dudu ya. Ago yak niŋen o iŋ ka kendel san gureŋ seven a ate buk dufutani an ipasip ifulale wa.”

⁶Agog ŋai Sipsip Nanun ta itur dugo ŋile ya. Iŋsan leil man dufunig imat ak igo woŋ a. Iŋ kiŋ san kalik titiŋaem itur dugo, mel iwoiwo a kumaed dumado dan, agod matu gurman adi dulubanig dutur se ya. Iŋsan fai an seven, ago dugo malan dam seven. Malan seven nek an Anut san Ur seven ama ya. Malan seven an Anut idinaig tan titin fidian lo dufufurak go diau a. ⁷Aria, Sipsip Nanun yaug Tamol a kiŋ san kalik fo imado dan banin won ak ate buk iŋane ya. ⁸Saen buk an iŋane man, mel iwoiwo kumaedi dumado dan, agod matu gurman adi nuŋod 24 an dam, Sipsip Nanun ŋien fun na diau dudu ya. Matu gurman adi anen anen iŋ mel ta gita igo woŋ,^c agod gol daeg kisaek diabi se ya, ago dugo yakas mumalun uyanan ak daeg an fidian lo ilasa se ya. Yakas en man nek Anut san tamolpein sad gudanek amaiak touad yabi a. ⁹Iŋ bar foun ak ta igo diabi da,

“Oŋ buk ŋanep kendel san gureŋ ate buk dufutanig dufou yan fidian oŋ pasi san uloŋ a.

Oŋ ago gane san man idaisuda geig a.

Ata wo, iŋ oŋ dufuno umat dugo,

oŋane dar lo tamolpein Anut tuon lo dirai san udad a.

^c Harp

Tamolpein aenta man, warou fidian lo yak, muroun ru fidian lo yak, tinik naon sensen lo yak, agod tan titin fidian lo yan onj udad ujal a.

¹⁰ Onj inj tumanaig an lo Anut san kagin panek an paen na dumado da, ago dugo inj dam Anut san pris adi dilasa ya.

Agod inj tan na kinj igo wonj dumadop tamolpein ante dumado dan ditirnai a.”

¹¹ Agog naj malag yang enjel wei geig nejil dugo sad awad njalonj a. Injsad sutek man milion milion geig agod tausen tausen geig a. Inj mel kumaedi dumado dak, matu gurman adi, agod kinj san kalik dam dulubanig dutur se ya. ¹² Inj awad tubun mi bar igo diabi se ya,

“Sipsip Nanun e dufuni imat en,

inj dabai, filian, manau, tuon dabai ak, yajan lak na geig ak, girager agod per dam,

amaiak fidian igane san idaisuda mok a.”

¹³ Ago man naj melmel fidian Anut igane yak sad ru njalonj a, melmel nek a kumaen panu lo yak, tan na dumado dak, agod tan paen na dien dan, beig lo da mi a. Mel a fidian aben fidian lo dien dan, igo dubol dugo naj njalonj a.

“Tamol e insinan kinj san kalik fo imado den, agod Sipsip Nanun dam,

inj sisem per panek, yajak lak na yak, girager, agod tuon dabai ak da nek ago mi pempem mi dijane wa.”

¹⁴ An lo mel nuod iwoiwo kumaedi dumado dan, igo dubol, “Rumok!” Ago dugo matu gurman adi turud dusoluwig, urarum naod na ubou dile se ya.

Sipsip Nanun kendel gurej buk dufutani an yafuteg ipasi a

6 ¹ Naj leil njiganeg Sipsip Nanun inj kendel gurej malan te yak yafute dugo njile ya. Agog mel iwoiwo kumaedi dumado dan, lulujad lo kisaek inj ru ta ibol a. Injsan kulagun man weil ilijan onj da, inj igo ibol, “Palu!” ² An lo naj malag yau man, tamol ta inj hos milkouk ak fufo imasig fui yabi dugo njile ya. Inj tamol yu iganeg itout ak san kitikat kisaek dupani a. Inj man tamol yu igane itout ak igo wonj a, aria, tan na ilasag yu iganep itout san ninjen o yau dugo njile ya.

³ Saen Sipsip Nanun kendel gurej tinin te buk dufutani an yafute man, naj mel a tinin te kumaen imado dan igo ibol dugo njalonj a, “Palu!”

⁴ Agog hos sen ta ilasa yak man daran a, nek ibol yai balen tubun ak igo wonj a. Tamol a fufo na imado dan dabai dupani a. Dabai an man, tamolpein tan en san ijaned maror nugnug lo yan ipasi yau san, an lo tamolpein dumasap nugnug lo yu digane dop lo matej dile wa. An ninjen o sabiri tubun ak ta dupani a.

⁵Saen Sipsip Nanun kendel gurej utol buk dufutani an ipasi man, ηai mel a tinin te kumaen imado dan igo ibol, dugo ηalon a, “Palu!” Ante ηai malag yau man, hos bilkas ak kisaek ilasa dugo ηile ya. Tamol a fufo na imado dan in skel^d kisaek tuon lo yabi se ya. ⁶Ago man ηai mel iwoiwo a kumaed dumado dan, lulunad lo liliηan ta nek ibol tamol awan lo ru ibol dak igo won ηalon a. An lo man awak en igo ibol, “On waup anan kiskisaek daon pidinai a. Ago dop tamol ta nal kisaek urat igane yan san naon iηanep ate wit bod nanun ak kisaek ka idad a, tia dop, bali bod kititik utol mi ka idad a. Ak man on ai oliv agod ai wain da daon ta pidinai na wa, an lo dop ai uraru an gurej lo ta katuk amadi na wa.”

⁷Saen Sipsip Nanun kendel gurej iwoiwo san buk awan dufutani an ipasi man, ηai mel utol an tinin te kumaen imado dan igo ibol dugo ηalon a, “Palu!” ⁸ηai foun mi malag yau man, hos tinin matej san kitek milkouk ak ta ilasa dugo ηile ya. Tamol a fufo na imado dan iηsan yanan Matej, agod aben a yanan Ades dubol dan lo tamolpein dumat la yak dumado dan man, Matej patun fo iri ipalu se ya. Nunod uraru an tamolpein warou iwoiwo lo ditarpalep, warou kisaek dufu dumat san dabai dupidinai a. Ago dop uraru an kadag^e lo, subam naon funfun lo, sabiri nam tamolpein dufup dumat a, ago mi tan san bor goun kasik ak dam dufu dumat a.

⁹Saen Sipsip Nanun kendel gurej kafenda ipasi man, ηai tamolpein dumat ak ηtudi alta paen na dumado dugo ηeil a. Gubak mi tamolpein nek an man, in Anut san ru diabi dabai dugo iηsan ru itaot dubol ilasa na ya, an ninen o ager adi tuod lo matej dile na ya. ¹⁰Tamolpein ηtudi an awad tubun mi igo duwagin se ya, “O Tubun en, on Dababai a, on gun di rumok a. Saen sapta yau dop man, on tamolpein tan na dumado den kubianaip iηaned ai wadan ninen o ilo sou gane wak i? Maη iloma igo yen da, in dufunama mamat san naon on ririan ka pidinai a.” ¹¹An ninen o kulos milmilae milkouk ak, tamolpein kiskisaek dupidinai dugo, ru igo durupidai a. “An gidad yaes kitek abal gup, murna dop man ager adi aηanem urat kisaek adi Kristus ηien aban duri dan dufup dumat a, nek ibol ansem dufunaη ak igo mi a. Aria, Anut tamolpein sapta matej dile san kob ipidinai la ya. An lo matej diηane yaup iηaned sutek san kob idaisuda wa, ago dop Anut aηanem ager adi yu digane yan naon ipidinai a.”

¹²Agog Sipsip Nanun kendel gurej siks an ipasi dugo ηile ya. ηai malag yau man, kanaurig tubun geig ak dam tan na ilasa dugo ηile ya. An lo man ad bilkas, nek ibol tidom tubun ilasa won a. Kalam dam nek ibol dar igo won daran geig ilasa ya. ¹³Agod keit san patui man, nek ibol tim tubun ak ifure dop gurab nunon ta ilubon na yak ikuparip tan na

^d Ru en man, muruan ibitinae san. ^e Futol

dudu dak igo wonj, nek ago mi patui an tan na dudu ya. ¹⁴O lak na keit dam yau itout a, nek ibol taweg dulumu yaug dufou ak onj a. An lo na did dam nui dam dusuk diaug iñsiganed abed dibiseig aben sensen lo diau a.

¹⁵An lo man tan san kiñ adi agod tamol yañad aman da yak, yu tamol adi sad gurman adi, moni tamol adi, tamol dababai ak, bigabeg adi, tamol kawan dumado dak, fidian mi geig dusol go diau a. Aenta pat tutubun a did lo yan patud fo dimianuk dugo, aenta pat guburan lo dimianuk a. ¹⁶Agog iñ disasai dugo did iñ pat da digiaig igo dubol, “Añ gidad adup mañ atuanama dop, Tamol e iñsinan kiñ san kalik fo imado den, mañ mile san niñen o abtuanama wa, man dugo, iñanen naon mile wo tubun mi marer da. Agod Sipsip Nanun mañ niñema wo tiñaen imumari da, amaiak mañ sijirema na ta ilasa san niñen o adup atuanama wa. ¹⁷Enta wo? Nuñod uraru en sad nal tubun ak ilasa la ya, nal an lo man iñaned tiñae mumarek tamolpein ifu wa. Amaiak niñen o enti iñ uraru an sad dabai yabiani dop imado uyan ak i? Tan en lo talpein man tia geig a!”

Isrel tamolpein 144 tausen kob diñane ya

7 ¹Mel en fidian itout dugo, ñai eñel iwoiwo tan titin iwoiwo ante dutur dan ñeil a. Iñ tan titin iwoiwo yan san tim diabituan se yan lo tim ta ifure na ya. Tim an tan na, beig lo, agod ai fidian ta iwi na ya. ²Ago man ad ilasa san bagen lo eñel ta ilasag ipalu dugo ñile ya. Iñ banin lo tuod^f ta kiñ san kob aman da yak yabi se ya, an lo mel kob igane san man, Anut a pempem kumaen imado dan iñsan mi a. Eñel iwoiwo yan gubak mi Anut dabai ipidinaig, an lo murnap iñ tan beig da ka dupitiñinai a. Aria, eñel a imug ñile yan awan tubun mi lo eñel iwoiwo yan igiai a. ³Iñ igo ibol, “Añ tan, beig, agod ai da, gugurut nam muruan ta apidinai na wa. Tia, mañ idsad Anut san kob, iñsan urat tamol adi naod kapen fo migane gup, melmel an malad ka asue wa.” ⁴Agog tamolpein sapta kob a diñane yan dubol dugo ñai ñalonj a. Sutek an man tamolpein 144 tausen, sisem kob an diñane ya, tamolpein an Isrel san gugoi anen anen lulujad lo dilasa ya.

⁵Juda san gugoi lo 12 tausen kob diñane ya.

Ruben san gugoi lo 12 tausen,

Gad san dam 12 tausen.

⁶Ago mi urig 12 tausen ta Aser san gugoi,

12 tausen ta Naftali san gugoi,

12 tausen ta Manase san gugoi lo ya.

⁷Nek ago mi 12 tausen ta Simion san gugoi,

12 tausen ta Lewai san gugoi,

^f Kiñ san mitilaen ai fo dusuwari ak

12 tausen ta Isakar san gugoi lo ya.
⁸ Nek agod mi 12 tausen ta Sebulon san gugoi,
 12 tausen ta Josef san gugoi,
 12 tausen ta Benjamin san gugoi lo ya.
 Tamolpein en in Anut san kob diʒane ya.

Tumanek tubun ak lo tamolpein kulos milkouk ak didiri da

⁹ An itout dugug ʒai malag yau man, tumanek tubun mi geig kin san kalik, agod Sipsip Nanun dam, naod na ditilianig dutur se yan ʒeil a. An lo man talpein ta isutai san ta ilonʒ na ya. Tamolpein an man warou fidian lo, tinik naon sensen lo, muroun ru fidian lo yak dupalug dutumani a. In kulos milkouk milmilae ak didiri dugo, banid lo man pator roun duburou se ya. ¹⁰ In awad dabai geig igo duwagin se ya,

“Idsad patu pasek an man, Anut a iʒanen kalik fo imado dan,
 agod Sipsip Nanun dam, in nuʒod urarum patu pasek an san fun
 mok a.”

¹¹ Ago dugo eʒel fidian man, kin san kalik, gurman adi, agod mel iwoiwo a kumaed dumado dan dida dulubanaig dutur se yan, ditakoksig naod kapen tan dusueg Anut ubou an dile ya. ¹² In igo dubol,

“Rumok geig, per, girager,
 maʒau, ilo uyan panek, yaʒak tubun,
 dabai tubun, agod tuon dabai geig ak dam,
 an fidian pempem mi man Anut san mi a. Rumok!”

¹³ Agog gurman ta tamol gurman adi lulunad lo yak ʒai igo isumianag a, “Tamolpein nek a kulos milmilae milkouk ak didiri an, en sauta yak i? In aben dugon te dupalu yak i?”

¹⁴ Ago man ʒai ru naon ʒurupeig ʒabol, “Tamol tubu, on mi ulonʒ a.”
 Agog in igo irupaig a, “Tamolpein en man muruan tubun ak madai da lo, Anut irapasaig kuai te dilasa ya. In gubak mi Sipsip Nanun san dar lo iʒaned kulos dufulanig, kulos an milkouk geig ilasa ya. ¹⁵ Amaiak ninen o,
 “In Anut san kalik naon na dutur da.

Ad tidom inʒan ubou ab lo dumado dugo, Anut o biabi digane da.
 Tamol a iʒanen kalik fo imado dan, in dida sumeikan dumado dop
 dumui igo woʒ ibalfutanai a.

¹⁶ In fon kadag ta ibiai na wa,
 agod in kulagud ta igos na wa.

Ad dam tinid ta inani na wak,
 mel ta tinid iʒanep wananan geig san tia ya.

¹⁷ Ata wo, Sipsip Nanun in kin san kalik titiʒae mi imado dan, inʒad
 titianek tamol imado wa.

In kumaen san you ibanai dan san aben ate diau san ninen o ulum
 ad yabi wa.

Agod Anut inſen mi ijaned malad turon fidian mi isasi dop tinan fon digane san tia ya.”

Sipsip Nanun kendel gureŋ seven an ipasi a

8 ¹Saen Sipsip Nanun kendel gureŋ seven a buk dufutani an ipasi yau man, kumaen panu lo mel ta liliŋan igane san tia yak, agod ru taidam ilasa san tia ya. Ago mi yaug auwa wadan mi igo woŋ a.

²An itout go ŋai eŋel seven e Anut naon na pempem dutur den ŋeil a, ago dugo barag seven dupidinai a. ³Agog eŋel sen ta ipalug alta fun na itur a. In paura san daeg gol yakas mumalun uyan geig igane ilasa dak yabi a. An lo man in paura naok an wei mi geig dupani dop, in ate Anut san tamolpein fidian sad gadiŋ da itumani wa. Ante Anut san kalik naon na yai niganag san alta gol itur dak ate Anut yai digane dupani wa. ⁴Aria, yakas an inſan mumalun uyan ak in Anut san tamolpein sad gudanek da itumanig, eŋel e Anut naon na itur den, banin ibiseig lak na yau a. ⁵Ago man eŋel an alta san yai ijaneg, daeg an lo ikulmaek go inawai a. Agog in daeg an tan na ibildu ya. An lo man, saen wei mi keit ilinŋan se yak, liliŋan funfun dilasa se yak, weil irafule dugo kanaurig dam ilasa ya.

Barag seven eŋel adi duwi a

⁶Agog eŋel seven a barag seven duburou dan, in barag an duwi wo sed ikubianaig mala nouk dumado se ya.

⁷Agog eŋel malan te yak inſan barag iwi dugo ui ais agod yai in dar da dilasag eŋel an iburoug tan na isuwaraiŋ dudu ya. Aria, tan en ai fidian da itarpaleg malan utol dilasag, lulunad lo malan kisaek muruan ipani wa. Ui ais agod yai dar anda dudug mel a utol amaiak malan kisaek dufuni a. An lo man tan ai fidian malan kisaek ilon lo yan yai inanai pasi a. Ago dugo gafurfur mum⁸ ak dam fidian mi yai inani yau a.

⁸Agog eŋel tinin te imado dan inſan barag iwi dugo, mel ta did tubun ak inani dak igo woŋ, dubuli beig lo idu ya. Aria, beig itarpaleg malan utol dilasag, lulunad lo malan kisaek muruan ipani a. Malan kisaek an lo man, beig dar igo woŋ ilasa ya. ⁹Mel beig lo kumaedi an dam, in warou ditarpaleg utol dugo, warou kisaek mi dumat pasik a. Nek ago mi, wog fidian beig aten fo wein diabi dan dam, warou ditarpaleg utol dugo warou kisaek mi daon inane ya.

¹⁰Agog eŋel uraru an tinid te imado dan, inſan barag iwi dugo patui tubun ak kisaek, sul igo inani fufari ak, keit ibiseig yau idu ya. You bururuk yau dan fidian, warou ditarpaleg utol dugo, patui tubun an idug warou kisaek an mi ifuni a, nek ago mi, you gib lo ibanai dan fidian,

⁸ Grin

warou ditarpaleg utol dugo, patui an you naok an dam ifuni a. ¹¹Patui en san yajan man “Gigen Geig” ago dubol da. In you warou kisaek fufo na idu dugo, you an gigen geig ak ago ilasa ya. You a duluk an lo tamolpein wei kasik materj dile ya.

¹²Agog ejel a utol an tinid te imado dan, ijsan barag iwi dugo, mel ta ipalug, ad, kalam agod patui muruan ipidinai a. Nunjon igane ilasa man igo ya. Nal anen anen, saen lapan ad ided dak san lilaman ta ilasa na ya, agod saen lapan tidom san lo dam kalam san lilaman ta ilasa na ya. Patui lo dam nek ago mi a. Lilaman lapan fidian ditarpaleg utol dugo, lapan kisaek ta ilasa na ya, ad lo, tidom lo dam nek ago mi a.

¹³Ijai malag yau dugo bog ta tubun ak keit titijae mi irou dugo njile ya. In awan tubun mi igo iwagin se ya, “Muruan di muruan agod muruan tubun geig tamolpein a tan na dumado dan sad na ilasa wo da. Ejel wadan nunod utol amaiak inaned barag duwi wo da, saen barag an duwi dop muruan tubun geig ak ilasap tamolpein disini wa.”

9 ¹Agog ejel a ejel iwoiwo tinid te imado dan, ijsan barag iwi dugo patui ta njile ya. Gubak mi keit ibiseig tan na yau idu ya. In gib kuror geig fun tia yan san dalawan san ki dupani a. ²Agog patui an gib kuror an awan ipasi a, agog yakas gib an lo ilasa yan, yai tubun ak san yakas igo wonj a. Agod yakas a gib lo ilasa yan, ad in keit da ibuluwaig ad in keit da tidom tubun dilasa ya. ³Agog mel wei mi sad leil man makmaguk igo wonj, yakas en dibiseig tan fidian lo diau a. In dabai a dijane yan man, nek ibol tan en san buramat ai sukulon lo dumado dan sad dabai igo wonj a. ⁴An lo in makmaguk adi ru igo durupidai, “An tan en san gufurfur, garañ agod ai fidian dam daonj ta mok apidinai na wa. Tia, anj tamolpein nek a Anut san kob naod kapen fo tia yan mi madai apidinai a.” ⁵Anut yilafu onj dugo kalam kafenda lo tamolpein madai tubun geig ak dupidinai a. Ak gug dufu dumat san geg ipidinai a. Aria, madai dupidinai na yan man, nek madai a buramat uyun bitijen si anda yak nam talpein isue dak igo mi a. ⁶Saen en lo, tamolpein materj san dal abajan diabi wa, gug ta dumat na wa. In dumat o ilod tubun mi yen da, ak man materj tamolpein an ibisawaip isol yau a.

⁷Ijai makmaguk en nejil duman, in hos yu digane wo tawan digane wonj da. Ijsad kabunad fufo mel ta gol kitikat igo wonj dien da. Naodi man tamol naod isiai a. ⁸Ijsad gumurad roun dam, pein adi sad igo mi a. Agod ijsad luod dam laion luodi igo wonj a. ⁹Nek ago mi ijsad titiredi man, mel ta siot kapa igo yak nam dubuluwi a. Ijsad subarid san lilijan man, hos adi karis wei mi diraug yu lo diau dak ago mi a. ¹⁰Ijsad uyudi man buramat igo wonj a, agod uyudi bitijen san si marasin saian ak lo madai tamolpein dupidinai san yen da. Ijsad uyudi dabai an ate kalam kafenda tamolpein madai tubun geig ak dupidinai a. Dabai naok ago yan uyudi lo mi yen da. ¹¹Kinj ta kisaek ijsad gurman imado da. Kinj an man ejel a gib

kuror ak itirni da. Hibru ru lo enjel an yanan Abadon dubol da, agod Grik ru lo dam yanan Apolion dubol da, fun man “Daonj Niganag Tamol.”

¹²Aria, muruan tubun geig ak malmalan itout a. Ak man muruan tubun geig ak taidam uraru mi dilasa wa.

¹³Agog enjel a enjel kafenda tinid te imado dan, injsan barag iwi dugo, naj tamol ta san awan njalonj a. Alta gol a Anut naon na yen dan lo, mel ta nek ibol makau faian igo wonj, alta san sukurun iwoiwo ante dugunig dien da. Aria, awak a naj njalonj an fai an lo kuai te ilasa se ya. ¹⁴Awak an enjel a barag yabi dan irupeig ibol, “Enjel iwoiwo amaiak you tubun ak yanan Yufretis dubol dan, ate kam nam dusubanaig mala nouk dumado dan, gamu en ka bisawaip diau a.” ¹⁵In ru an ilonj go enjel iwoiwo yan ibisawaig, tamolpein warou ditarpalep utol dop warou kisaek lo tamolpein fidian dufup dumat a. Enjel emaiak mi, Anut ru gubak mi igansig inj auwa, nal, kalam agod anajar nek en mi ate tamolpein dufu dumat san ningen o tawanj dumado wo ago ibol a. ¹⁶Tan na yu tamol adi a hos fufo na dumado dan, injsad sutek man 200 milion igo yak dubol dugo naj njalonj a.

¹⁷Aria, naj malag njutun lo abanj njile dan lo man, hos emaiak, agod tamol adi fufo na dumado dan sad leil man igo ya. Tamol adi titired fo mel ta siot kapa igo wonj ak didiri dan, sad girager man daran, yedyed di kadabog a. Hos sad kabunjadi man laion kabunjadi igo wonj a. Agod yai inj yakas da, agod pat salfa inani dak san mumalun saian ak dam, hos adi an awad lo ilasag ifufurak go gidigidad diau a. ¹⁸Tamolpein fidian tan en lo dumado den warou ditarpaleg utol go, warou kisaek man, muruan a yai, yakas, agod pat salfa inani dan nek amaiak warou an dufunig inanen tamolpein fidian dumat pasik a. ¹⁹Hos adi sad dabai man, awad lo agod uyud lo dam yen da. Uyudi man mot igo wonj a, inj kabunjad da ya. An lo hos uyudi amaiak nam tamolpein tinidi tubun mi madai dupani da.

²⁰Ak gug tamolpein aenta a muruan amaiak lo matej ta dile na yan, injsed ilod lo mi tubud sewak adi, banid nam dututujanai dan ta patud dupidinai na ya. Tia geig, kagin naok naok a gubak mi digane se yan dirig diau a. Inj bugai adi sad ubou leil digane se ya. Agod tubud sewak mitilaedi, tamol injsed banid nam gol silva bras pat agod ai nam digane yan lo dam gadij diganeg yau se ya. Tubud sewak mitilaedi an gidad abanj ta dile na dugo, ru dam ta dulonj na dak, agod inj turej dam ta diabi na da. Ago bo man tamolpein an ilod ta ibilisa na ya. ²¹Taida mi, tamolpein amaiak inj, tamol dufu dumat san kagin, aenta lo nawir digane san kagin, inaned jeit kagin, agod inaned gumagam kagin dam, an ninjedi wo ilod ibilisag kagin amaiak patud dupani man tia ya.

Enjel ta buk nanun ak Jon yani wo ipani a

10 ¹Agog enjel sen ta dabai geig ak kumaen panu nag idu dugo njile ya. Inj kabunan fufo galbaob ilubanig yen dugo tinin dam keit san

timtaen ibuluwi a. Naon san ilalaŋ man ad igo wonŋ a, nek ago mi ŋien san leil man kadaŋ uraru inani dak igo wonŋ a. ²Eŋel en man buk kutusan ak kisaek awan ikasap go yen dak yabi se ya. Inŋ ŋien won ak beig fufo ipare dugo, ŋien ŋas ak tan ipare da. ³Ago dugo inŋ awan tubun mi isasai da, nek ibol laion ibob igo wonŋ a. Inŋ ibob itout a, ago gug weil seven sad liliŋan an dam inaned awad lo ru dubol ilasa ya. ⁴Weil seven an sad liliŋan itout a, ago gug ŋai ru dubol en ŋigire wo da. Ak man awan kisaek kumaen panu na yak ipalug igo ibol dugo ŋai ŋaloŋ a, “Onŋ ru e weil seven diliŋan en onŋsiga ilo girek lo tuep yen a. Inaned ru onŋ ta gire na wa.”

⁵Agog eŋel e tan beig da fufo itur den banin won ak kumaen panu san banen lo yabisa dugo ŋai ŋile ya. ⁶Ago man inŋ Anut yaŋan lo ru lak na geig ibol ilasa ya. Anut enti kumaen pempem mi imado dak, kumaen panu igane yak, mel fidian ate dumado dan dam igane yak, tan dam iganeg mel fidian ate dien dak, beig dam iganeg mel fidian dam lo dumado dan, inanen yaŋan lo igo ibol, “Anut saen iriŋani san tia ya.” ⁷Tia, nek eŋel e eŋel sukunda tinid ate murna geig imado den, inŋsan barag iwi dop san liliŋan ilasa wan, kulob an san saen lo mi, Anut san ilo girek gubak mi mianuk lo yen se yan nuŋon ilasa wa. Ilo girek nek amaiak mi imug inanen urat tamol profet adi irupidaig duloŋ a.

⁸Agog awak a gubak mi kumaen panu nag ipalu dugo ŋaloŋ amaiak fon igo ŋai irupaiaŋ go ibol, “Onŋ waup eŋel a tan beig da fufo itur dugo, banin lo buk awan ikasap go yen dan, san na susap buk amaiak ŋane wa.”

⁹Ago yak niŋen o ŋai eŋel an san na ŋaug ŋurupei, “Onŋ buk kutusan en ŋai panag a.”

Ago man inŋ igo irupaiaŋ a, “Onŋ ŋanep wani wa. Inŋ onŋ tiŋae lo yu igane wa. Ak man onŋsa awa lo man guburur taen igo bulbal geig a.” ¹⁰Inŋ ru ibol itout dugo, ŋai buk kutusan an banin lo ŋiŋaneg ŋani a. ŋai awag lo man guburur taen igo bulbal a. Gug saen ŋai ŋani pasik an lo man tiŋaeg lo gigen ifunag a. ¹¹Agog inŋ igo ŋai irupaiaŋ a. “Onŋ gidad fon mi tamolpein warou wei mi, tamolpein a tan tutubu yak san wei mi, muroun ru amad da yak wei mi, agod kiŋ adi wei mi dam, niŋedi wo melmel dilasa san niŋen o profet ru ubol ilasa wa.”

Profet uraru ru dubol ilasa ya

11 ¹Agog ŋai melmel touad ŋabi san ai tok dupanag an, nek ibol tureŋ san makud onŋ a. Agog awan ta igo irupaiaŋ, “Onŋ masap Anut san tempel Jerusalem na yen da, agod alta tempel ilon lo yen dan dam, tou amad wabi wa. Tamolpein sapta ubou ab an ilon lo ubou dile dugo dumado dan dam onŋ sutai a. ²Ak man onŋ aben e Anut san ubou ab inŋsan ar patun fo ilubani yen man, tou aman ta wabi na wa. An onŋ

gidad bisei a. Ata wo? Anut aben en man gob adi iñsad tumanek san aben igo woñ ipidinai a. Gob adi dupalup Jerusalem dupartitale dop ate san tamolpein ditirnaip yaup kalam 42 itout a. (An man nal 1,260 igo ya.) ³Agod ñai ñaisag ru bilabal tamol, nuñod uraru an profet ru dubol ilasa san dabai ñupidinai a. Ago dop iñ muguñ san kulos didirip profet ru dufulale dop yaup nal 1,260 itout a.” ⁴Tamol uraru en man iñ ai oliv agod lam uraru niñedi wo Sekaraia iñanen profet ru lo gubak mi ibol ilasa ya. Tamol uraru en tan titin fidian sad Tamol Tubun ak naon na dutur da. ⁵Agod talpein ta tamol uraru an dibitinaip malad dusue wo tap man, yai uraru an awad lo ilasap, iwali dop sad ager adi inanai pasi wa. Dal nek amaiak lo talpein enti tamol uraru an ibitinaip muruan ipidinai o igane dan dufunip imat a. ⁶Uraru en iñ keit diabituanı san dabai amad da ya, an lo saen iñ profet ru dubol ilasa dan lo, ui pempem ta idu na wa. Uraru an iñ you fidian diganep, dar igo woñ ilasa san dabai amad da ya. Agod iñsiganed ilobol lo mi man, daon panek agod subam naon funfun diganep, an lo tan en san tamolpein muruan di madai funfun ifu wa. Uraru an iñ dabai naok ago yan amad da ya.

⁷Saen nuñod uraru an, profet ru dubol ilasa san urat digane itout dop man, mel kasik ak a gib kuror fun tia yak lo imado dan, iñ gib an ibiseip kuai te isudap, uraru en lo yu igane wa. Iñ uraru an ibiai dudu dop ifup dumat a. ⁸Ago dop iñsad tubabudi taun tubun ak san dal tubun ak ate dien a. Taun tubun an san yañan man, tou yabek ru lo Sodom iñ Egipta da ago dubol da, taun tubun nek emaiak ate, Tubun en aigim fo dubali dugo dufunig imat a. ⁹Tamolpein tinid naon sensen ak, warou wei mi ak, muroun ru lo diñiñeñ na yak wei mi, agod tamolpein tan titin fidian lo dupalu yan, nal utol wadan da lo iñ malad ti ibol pe, uraru an tubabudi leil dupidinai a. Iñ tamol aenta disiriai san niñen o dal dufou wa. ¹⁰An lo tamolpein tan san, uraru dumat an sad mateñ niñen o muguruñ digane wa. Iñ soubul digane dop, lou kawan ak dam wei mi nugnug lo didiri ila iso wa. Man ata wo? Profet uraru an madai iñ muruan da wei mi tamolpein tan na dumado den dupidinai na ya.

¹¹Ak man nal utol wadan da itout gug, Anut ur kumaen san an iganeg uraru an ilod lo iladu ya. Saen uraru an dumasag dutur se yan, tamolpein uraru an dil dugo direr saian geig dop sed ibibianai se ya. ¹²Agog tamol uraru an talpein ta kumaen panu na awan tubun mi igiai dugo irupidaig ibol, “Añ igo asida!” Ago dugo iñsad ager adi malad lo mi, tamol nuñod uraru an, keit san timtaen ilon lo diladug, kumaen panu lo timtaen an da disuda diau a.

¹³Saen nek amaiak lo mi, kanaurıg tubun ak ilasa dugo, taun tubun an titin kisaek daon ipani a, ago gug titin 9 an yen a. An lo man seven tausen tamolpein kanaurıg an lo dumat a. Gug tamolpein a dumado yan, tubun mi geig direr dugo, kumaen panu san Anut yañan diabisa se ya.

¹⁴Aria, muruan tubun geig ak uraru itout a. Ak man saen kitekan mip, muruan wadan kisaek tubun geig ak ilasa wo sumeik da.

Eḡel warou seven lo yan iḡsan barag iwi a

¹⁵Agog eḡel e eḡel sukunda tinid ate murna geig imado den, iḡsan barag iwi dugo, kumaen panu lo awak tubun mi igo duwagiḡ dugo ḡai ḡalonḡ a.

“Anut tan titin fidian en sad kiḡ adi iḡaned kagin panek iḡaneg itout a, ago dugo Anut iḡanen Kristus da sad kagin panek ilasag abed iḡane ya.

An lo Tubun en iḡsen saen pempem kiḡ igo imado yau a.”

¹⁶Agog tamol gurman adi nuḡod 24 iḡsiganed kiḡ san kalik fufo Anut naon na dumado dan, turud dusoluwig naod itakok tan na idug Anut ubou an dile ya. ¹⁷Iḡ ago dubol,

“O Tubun en, maḡ ilo uyan mupano da. Oḡ mi Anut, oḡ dabai fidian ama da ya.

Oḡ gamu mado dak, gubak mi geig mado ya.

Gamu oḡane dabai tubun geig ak ḡaneg, an lo fun ganeg oḡ Kiḡ igo woḡ mel fidian tirnai da.

¹⁸Gob adi tiḡaed imumari se yak gug,

oḡane tiḡae mumarek san saen man ilasag itout a.

Gamu man tamol adi dumat ak oḡane kot lo dilasa wa.

Oḡane urat tamol adi naon uyan ak pidinai san saen man gamu.

Awo, oḡane profet adi, agod oḡane tamolpein fidian dida, tamolpein fidian a oḡane yaḡa lak na disini dan, a iḡ yaḡad aman da yan, agod a iḡ yaḡad tia yan dam, gamu oḡ naon uyan ak pidinai a.

Ago dop oḡ tamolpein a tan en daonḡ dupani se yan, gamu daonḡ pidinai a.”

¹⁹Agog Anut san ubou ab kumaen panu na yan, iḡsan dalawan dupasig ikasap go yen da. Ago man Anut san ubou ab lo kontrak san kunup kuai te yen dugo fidian leil dupani a. Saen an lo weil irafuleg gidigheid yau dugo, lilijan tubun mi iḡur a, agod weil weiwei mi diliḡan dugo, tan isuruwor dugo, ui ais da pat igo woḡ tubun mi geig dudu ya.

Jon iḡ, mot a yaḡan dragon dubol dan pein da yil a

12 ¹Aria, mel ta naon sen geig ak keit lak na ilasa ya. Mel an man igo ya. Pein ta imado dan, iḡ ad kulos oḡ iḡane dugo itur da. Kalam ḡien aten paen na yen dugo, patui 12 kitikat igo woḡ kabuḡan fufo dien da. ²Pein en luan aman da ya. Agod nanuk iḡansi san madai iḡ lo ilasa ya. Iḡ nanuk iḡansi wo dugo, madai tubun geig ikubiani dan niḡen o awan tubun mi isasai da. ³Agog taida mi, mel ta naon sen geig

ak keit lak na ilasa ya. An man mot daran di tubun geig a. Inj kabuŋan seven, agod fai an 10, kabuŋan fufo dilasag dien da. Inj kabuŋan seven an fufo, kitikat ta kiŋ san kitikat igo woŋ dien da. ⁴Inj keit san patui fidian itarpaleg warou utol dilasag, warou kisaek inŋsen uyun nam irianaig tan na dudu ya. Agod mot an yaug pein a nanuk igansi wo dan naon na itur se ya. Inŋsan ilon man, pein nanuk igansi wo ititiani da, agod saen nanuk ilasa dop ka yani wa. ⁵Aria, pein nanuk tamol ak igansi a. Nanuk an murnap kiŋ san tok ain yabip ate tamolpein fidian itirnai dabai a. Pein nanuk igansi la ya, ago man nanuk an ririan disinig, Anut san na diaug, Anut da inŋsan kalik fo dumasig dumado ya. ⁶Ago man pein an isol go, aben kawan ak ate yau a. Aben a pein ate imado san man Anut gubak mi ikubune la ya. Aria, aben an lo inj pein an anaŋ dupani dop kagin dupani yaup nal 1,260 itout a.

⁷Aria, gamu yu tubun ak kumaen panu na imasa ya. Isrel san eŋel gurman, yaŋan Maikel dubol dan, inj inanen eŋel dida mot tubun en lo yu digane se ya. Ago dugo mot tubun an inanen eŋel dida yu naon digane se ya. ⁸Ak man inj yu diganep itout san dabai amad tia ya. Ago yak niŋen o kumaen panu lo aben ta ate dumado san tia ya. ⁹An lo man Maikel inanen eŋel dida mot emaiak san dabai kumaen panu lo yan diganeg itout a. Mot en man, inj gubak mi yaŋan Uf Ru San Ur, yaŋan turan Satan dubol dak, ama ya. Inj tamolpein tan titin fidian lo yan irawai na ya. Aria, inj Satan diŋaneg, inanen eŋel adi dida sisem dubilai tan na dudu ya.

¹⁰Agog kumaen panu lo tamol ta awan dabai geig igo iwagiŋ dugo ŋaloŋ a.

“Gamu maŋsama Anut inŋsan patu pasek, agod inŋsan tuon dababai ak di kagin panek dam walal isi a,
agod Kristus san dabai dam ilasag kuai te yen da.

Man dugo, mot emaiak ad tidom Anut naon na itur dugo
maŋ teim taom uf ru lo idirai na ya,
ak gug gamu tan na dubilig idu ya.

¹¹Maŋ teim taom man, Sipsip Nanun san dar nam,
agod Anut san ru dufulale na yan lo dam,
inj mot en lo yu diganeg itout a.

Inŋsiganed madok niŋen o tubun mi ta dumat na ya, tia geig a.
Amaiak niŋen o saen materŋ sumeik ipidinai bo man, inj ta dusuk
dumul na ya.

¹²Amaiak niŋen o aŋ kumaen panu adi,
aŋ warou fidian mi kumaen panu na amado dan, uyasusai agane
wa.

Ak man aŋ a tan na agod beig lo amado dan, kagin agane wa.
Muruan tubun ak aŋsam na ilasa wo da. Satan aŋsam na idu la
ya.

In ilon tubun mi imumari da,

man dugo, in ilon uyanan ak man, inanen saen katukan mi a.”

¹³Aria, saen mot an dubilig tan na idu dugo ile man, pein a nanuk tamol igansi amaiak yabi wo nien aban irig yau se ya. ¹⁴Ak gug bog tubun ak subein uraru pein an dupanig, an lo in mot ibiseip iroup, yoitout imado wo aben kawan ak lo yau a. Aben ante kagin dupani uyanan pe, anan dupani yaup anajar utol wadan da itout a. ¹⁵Aria, mot en awan lo you igulani a, you an lom tinan igo won masag yaug, pein en nien aban iri se ya. Mot in san ilon man, you gidad pein inanep iriani yau dop ideg yau a. ¹⁶Ak gug tan pein an ibinawi a. Tan awan isupanig mot you e igulani emaiak iluk a. ¹⁷⁻¹⁸Agog mot in pein en lo ilo wananan tubun mok aman da ya. Amaiak nien o in yaug nanun aenta lo yu igane wo da. Tamolpein nek a Anut san ru kubiaen duri dupani dugo Jesus Kristus san ru rumok diabi dabai dan lo yu igane wo da. Ago dugo mot in lon na lul fufo na itur dugo nile ya.

Beig san mel kasik

13 ¹Agog nai malag yau dugo mel kasik ak ta kabuan seven dugo fai aman 10 an beig lo yak ilasa dugo nile ya. Fai anen anen atem kitikat gol kisaek fufo na yen da. Kabuan anak anak ate dam, yajak ta Anut nien uf ru digireg yen da. ²Nai mel kasik e nile man, nek ibol lepad^h igo won a. In san nien man bear nien on a. In san awan dam laion awan on a. Mot amaiak in sinan dabai mel kasik en tan itirni san nien o ipani a. An lo man mel kasik an, mot an kin san kalik fufo imasi dugo, inanen tuon tubun geig dam inaneg lo tamolpein itirnai na ya. ³In san kabuan kisaek wagai lo mater san baob inane manon a, ak gug kabuan an dukubuneg afon uyan isusa ya. Tamolpein fidian tan tilianek lo yan mel kasik an nien o durut saian geig dugo tinid ntud fidian mi lo nien aban duri na ya. ⁴Mot en in sinan dabai a lo tamolpein itirnai san an mel kasik an banin lo igane ya, an lo tamolpein fidian mot an ubou an dile na ya. Agod in mel kasik an dam ubou an dile na ya. Ago dugo in igo dubol, “Enti in mel kasik en igo mi ak i? Enti in lo ka yu igane wak i?”

⁵Agod mel kasik an awan lo ru in in san dabai dupani a. An lo Anut imoig, mel kasik an Anut nien o uf ru saian geig mok ibol ilasa se ya. Agod Anut dabai ipanig an lo tamolpein itirnai dop yaup kalam 42 itout a. ⁶Amaiak nien o mel kasik an awan isupanig, Anut nien o uf ru ibol se ya. In Anut yan nien o, agod Anut san aben ate imado dan, agod fidian a kumaen panu na dumado dan, ninedi wo nao futek ru saian geig ak ibol se ya. ⁷Taida mi, Anut mel kasik en ilefunig inanen tamolpein lo yu igane dugo ibiai dudu geig a. Agod Anut mel kasik an ilefuni dugo

^h Pusi tutubu yak.

tamolpein warou fidian, tan tutubu yak, muroun ru anen anen, agod tinik naon sensen ak fidian mi itirnai san dabai ijane ya. ⁸Tamolpein fidian tan en lo emaiak mel kasik en dugudanip ubou an dile wa. Ak man warou kisaek mi ago ta digane na wa. Warou an man, tamolpein fidian nek a, tan en gamugo ilasa dugo, Anut ijaned yañadi buk lo igire idu ya. An man Sipsip Nanun dufunig imat ak ijanen kumaen san buk nek ama ya. Aria, tamolpein nek an mi mel kasik an san ubou ta dile na wa.

⁹Talpein ta ij kududon aman da dop, ij gidad ru en ilonj sijaokan a.

¹⁰Anut talpein ta subanek lo yau wo kob ipani tap,

aria, ij gidad subanek lo yau a.

Agod ij talpein ta sabiri nam dufunig imat o kob ipani tap,

aria, talpein an sabiri nam ka dufunig imat a.

Kagin en lo man, Anut san tamolpein gidad dumado dabai dop ijaned ilo rumok diabi sakar dop dumado yau a.

Mel kasik ak tan log ilasa ya

¹¹Agog ñai mel kasik ak sen ta tan ilon lo yak imasag isuda dugo ñile ya. Inñan kabunan fufo man fai aman uraru dien da, nek ibol sipsip nanunan ak san fai igo wonj a. Agod inñan ru man mot tubun ak san ru igo mi a. ¹²Mel kasik a imug ilasa yan malan lo man, mel kasik a murna ilasa yan, ij mel kasik a imug ilasa yan wagen lo, san dabai fidian tamolpein itirnai san ijane ya. Dabai ijane yan lo man, mel kasik a murna ilasa yan tamolpein e tan titin fidian lo dumado den idiraig, mel kasik a imug ilasa dugo ijanen materj san baob dukubuneg uyan isusa amaiak, ubou an dile se ya. ¹³Mel kasik murna ilasa yan kulob girager tubun ak iganeg ilasa se ya. Ij ago iganeg, tamolpein malad lo yai keit lo yan tan na idu ya. ¹⁴Anut mel kasik emaiak ilefunig kulob girager naon sensen ak, mel kasik a imug ilasa yan malan lo igane se ya. An lo man mel kasik en ij tamolpein tan na dumado den irawai pasik a, an niñen o man tamolpein mel kasik a gubak mi sabiri nam dufuni an san mitilaen ditutunanip duguni wo isodudunai a. ¹⁵Agod Anut imoig mel kasik murna ilasa yan inñinan ur iwig lo mitilaen an kumaen ilasa ya. An lo man mitilaen an ru ka inñenñ san ilonj a, agod dugo tamolpein ensauta a mel kasik an san mitilaen ta ubou an dile na yan fidian idiraig materj dile ya. ¹⁶Taida mi, mel kasik a murna ilasa yan tamolpein fidian nek a yañad amad da yan, yañad tia yan dam, filiad amad da yak, tia yak dam, a kawan dumado dak agod a bigabeg urat digane dan, fidian mi idiraig kob ta naod kapen fo boi, tia dop, banid won ak ate diñane ya. ¹⁷An lo man, talpein ta ij kob aman tia tap, aria, ij tamolpein aenta sad na melmel ta idad na wak, agod aenkadi inñan na dam melmel ta didad na wa. Kob an man mel kasik malan te yak san yañan boi, tia dop, sutek amaiak lo mel kasik an yañan tou aman yabi dan, nek ama ya.

¹⁸Talpein ta iŋ mel en iloŋ o imat tap, gidad kankan milaen uyan geig ak aman da wa. Enti iŋ kankan milaen tubun ak aman da yan, mel kasik en san sutek kuai ka ipani wa. Sutek en man tamol ta iŋanen yaŋan san tou yabek, agod tamol an yaŋan san sutek man 6 utol mi a. (666)

Sipsip Nanun tamolpein 144 tausen dida dutur go bar diabi da

14 ¹Agog ŋai malag yau man, Sipsip Nanun iŋ Did Saion fufo na itur dugo ŋile ya. Iŋ 144 tausen tamolpein dida dutur da, iŋanen yaŋan, agod Taman yaŋan dam, tamolpein an naod kapen fo digireg yen da. ²Ago dugo ŋai ru awan ta kumaen panu lo ibol ilasa dugo ŋaloŋ a. An man nek ibol beig tubun ak imasa san liliŋan boi, tia, weil san liliŋan tubun ak igo woŋ a. Nek tamolpein wei mi mel ta gita igo yakⁱ dufuni dop san liliŋan tubun mi ilasa dak igo woŋ a. ³Tamolpein 144 tausen kiŋ san kalik naon na dutur se ya, agod mel iwoiwo kumaed dumado dan iŋ matu gurman adi dam, naod na dutur se ya. Iŋ bar foun ak diabi se ya, tamolpein aenta bar an diabi san maŋau ta diŋane na ya, 144 tausen amaiak mi bar an diabi san duloŋ a. Tamolpein amaiak mi tan en lo Anut idad iŋal a. ⁴Tamol emaiak pein adi dida sed nun ta ipidinaŋ na ya. Tia, iŋ ikokan mi dumado da. Sipsip Nanun panu fidian lo dugon te yau dan, aria, tamol adi emaiak durig dida diau da. Anut warou nek emaiak, tan san tamolpein lulunad lo idad iŋal a. Agop iŋ warou malan te Anut iŋal an, iŋanen warou lo, agod Sipsip Nanun san warou lo dam dumado wa. Nek ibol abi taman anaŋ malan te ilasa dak iŋanep, Anut yai igane pani dak igo woŋ, tamol an Anut agod Sipsip Nanun da sad ilo rumok adi e tan en lo imug dilasa yen, nek ama ya. ⁵Iŋ ru sewak ta dubol man tia ya. Tia, iŋ mel ta niŋen o dam muruan amad tia ya.

Eŋel utol ru dubol ilasa ya

⁶Agog ŋai eŋel sen ta keit titiŋae mi irou dugo ŋile ya. Iŋ bilalun uyanan pempem san isinig tamolpein tan na dumado den irupidai o da. Tamolpein tinid naod funfun lo, muroun ru naon sensen lo, warou fidian lo, agod aben fidian muroudi lo ibol ilasa wa. ⁷Iŋ dabai geig igo iwagiŋ go irupidai, “Aŋ gidad Anut niŋen o arer a! Iŋ yaŋan abisa wa! Ata wo? Iŋ tamolpein bitinaek lo idirai san nal ilasa la ya. Aŋ Tamol e iŋ keit, tan, beig di you gib lo ibanai dan dam idirai en, iŋ lo mi agudani dop iŋanen ubou leil lo mi amado wa.”

⁸Agog eŋel sen ta, iŋ eŋel imug ipalu yan irig ipalu da. Eŋel murna yan igo ibol, “Taun tubun ak Babilon dubilig idu geig go digane itout a. Taun Babilon nek amaiak, iŋsan jeit kagin dabai an niŋen o, tamolpein warou fidian duri dupani na ya. Nek ibol wain dabai ak ipidinaig duluk go burau geig dilasa yak igo woŋ a.”

ⁱ Harp

⁹Enjel sen ta enjel uraru dupalu dugo patud fo ipalu yan, awan dabai geig iwagiŋ go ibol, “Talpein ta iŋ mel kasik en iŋsan mitilaen da sad ubou leil igane dop, agod iŋ naon fo, tia, banin te, kob iŋane tap, ¹⁰aria, iŋ gidad wain naon sen ak ka iluk a. Wain en man Anut san ilo wananan agod Anut iŋ wain en you da ta ibilisa dop, tia, wain an iŋanen ilo mumarek san gab lo iwali wa. Ago dop talpein en ka iluk a. Ago dugup enjel gun ak malad lo, Sipsip Nanun malan lo dam, talpein en iŋ yai lo, agod pat salfa inani dak lo, madai iŋanep ago imado yau a. ¹¹Ago dugo yai a madai tubun geig ipidinai dan san yakas pempem mi lak na isuda yau a. Tamolpein emaiak iŋ mel kasik, iŋsan mitilaen da sad ubou leil digane da, agod iŋsan yaŋan san kob diŋane dop, ad lo tidom lo dam iŋaned madai niŋen o yaes bilabal amad tia wa.” ¹²Saen an lo tamolpein gun ak gidad dumado dabai a. Tamolpein a Anut awan paen na dumado dugo iŋaned ilo rumok Jesus lo diabi sakar dan nek an mi a.

¹³Agog ŋai talpein ta kumaen panu lo igo iwagiŋ dugo awan ŋaloŋ a. “Oŋ ru igo gire wa. Gamu agod nal murna san dam fidian, tamolpein a Tubun en lo dumado dop dumat tap, iŋ ka uyad isusa wa.”

Ago dugo Awan Urgun ru naon igo ibol, “Rumok geig, iŋ ka uyasusai digane wa. Iŋanen urat dabai ak dibiseip ka yaes dubal a. Man dugo, ata urat digane yan san nuŋon imug mi ilasa yan iŋ dida kumaen panu lo diau a.”

Tan en lo anaŋ ŋilaŋal san nal idu ya

¹⁴Aria, ŋai malag yau dugo, naog na timtaen milkouk ak kisaek ŋile ya. Ago dugo talpein ta tamol nanun igo woŋ an fufo na imasig imado se ya. Iŋ kitikat gol aman da yak kabuŋan fo yen dugo, banin lo man bubarek luon geig ak yabi se ya. ¹⁵Ago man enjel sen ta Anut san ubou ab patun fo ilasa ya. Iŋ awan dabai geig talpein timtaen lo imado dan san na iwagiŋ go ibol, “Oŋane bubarek ŋanep anaŋ tute idu wa. Anaŋ tumanek san saen ilasa la ya, an niŋen o tan na anaŋ fidian ibes pasik a.” ¹⁶An lo man talpein a timtaen fo na imado dan, iŋanen bubarek yabig, tan na itakoksig abi lo anaŋ ibes ak itute idug itumani dugo isini yau a.

¹⁷Agog enjel taidam bubarek luon geig ak yabi dan, kumaen panu lo Anut san ubou ab patun fo ilasa ya. ¹⁸Agog enjel sen ta alta ibiseig kuai te ilasa ya. Iŋ man alta san yai itirni san dabai aman da ya. Iŋ awan dabai geig enjel bubarek luon ak yabi dan iwagiŋ ibol, “Oŋane bubarek ŋanep, wain patun abi a tan na yak lo yan tutep tumani wa. Man dugo, wain patun fidian duluboŋ la ya.” ¹⁹An lo man enjel en iŋanen bubarek iŋaneg, tan na itakoksig, wain kutubuk itartiti idug itumanig dien da. Ago man iŋ wain patun an, pat bod tubun ak ilon lo tamol wain patun ŋiedi nam dupartitale wo isuwari idu ya. En man Anut san ilo mumarek itutuŋani a. ²⁰Agog Jerusalem san ar patun fo, wain nuŋon bod lo dupartitale dugo dar bod an lo imaspalug kuai te ilasa ya.

Ago dugo dar an imaspalu yau se ya, iñsan milaen man 300 kilomita igo woñ, tan fidian ituani a, agod iñsan kuror man mita kisaek wadan da igo woñ a.

Daeg seven ilod lo muruan murnai san dien da

15 ¹Aria, ñai kulob naon senamo geig ak kumaen panu lo ilasa dugo ñile ya. Mel an man tubun a, an niñen o ñumasa saian go an lo dam ñarut saian geig da. Ñai eñel seven dutur dugo banid lo muruan seven a murnap tamolpein daon dupidinai san dubouro dan ñeil a. Agod saen kulob saiak saiak en itout dop, sen ta ilasa san tia ya, man dugo, muruan seven emaiak lo Anut san ilo mumarek itout pasik a. ²Ñai mel ta nek ibol beig tubun ak galas oñ, yai lo dukubuli ak ñile woñ da. Tamolpein a yu digane itout an, gubak mi mel kasik ak, iñanen mitilaen agod yañan san sutek dam dibiai dudu yan dam ñeil a. Tamolpein amaiak iñ beig galas oñ an giranjen na dutur dugo, iñ melmel gita igo woñ Anut ipidinai an dubouro se ya. ³Tamolpein an Anut san urat tamol Moses, agod Sipsip Nanun da sad bar diabi se ya. Bar an man igo ya.

“O Tubun en, oñ Anut, dabai fidian ama da ya.

Urat fidian oñ gane man tubun a. Mañ mile dugo, iloma weiwei da.

O Anut, oñ tamol warou fidian sad kiñ, oñane kulob fidian itaot di rumok geig a.

⁴O Tubun en, enti oñ yaña niñen o ta irer na wak i?

Enti oñ yaña yabisa wo imoi ak i?

Man dugo, oñ mi gun a.

Tamolpein tan titin fidian lo dumado dan dupalap oñ ubou ama dile wa.

Ata wo, oñane kulob naok naok itaot mok an, gamu kuai tem walal isig, tamolpein fidian dile da.”

⁵Mel an itout go, kumaen panu lo kontrak san ab sel dalawan dupasig yen dan ñile ya. Ilon lo galuñ a yañan aben gun di gun geig ak dubol dan ñile ya.

⁶Ago dugo eñel seven e muruan seven daon panek san dubouro dan galuñ an dibiseig kuai te dilasa ya. Iñ kulos milkouk irafuleg ikokan geig ak dupulau a, agod let gol titired fo diganeg ilubani a. ⁷Aria, mel iwoiwo a kumaed dumado dan, luluñad lo kisaek iñ gol daeg seven eñel an ipidinai a. Anut e kumaen pempem imado yau den, iñsan ilo mumarek an daeg a seven an lo inawai a. ⁸Ago dugo tempel san galuñ gun di gun geig ante man, Anut san girager di dabai tubun ak yakas igane ilasa dugo yakas an aben an lo awan isa ya. Talpein ta iñ galuñ gun an lo iladu san tia ya. Tia, iñ eñel seven an malad digane dop muruan seven an san urat digane itout gup a.

Eñel seven muruan daeg seven duwalig idu ya

16 ¹Aria, ñai awan ta ubou ab san galuñ gun an lo ilasa dugo ñalon a. Iñ awan dabai geig eñel seven en igiai dugo ibol, “Añ aup, Anut san ilo mumarek daeg seven lo yan awali tan na idu wa.”

²Ago man ejel malan te yan yaug inſan daeg iwali tan na idu ya. Agog tamolpein mel kasik ak san kob diſane dugo inſan mitilaen ubou an dile dan, baob saian geig ak wei mi sad na ilasa ya.

³An itout go ejel neinta inſan daeg iwalig beig lo idu ya. Ago man beig ibilisag, tamol dumat ak sad dar igo woſ ilasa ya. Ago man melmel fidian beig lo kumaed dumado dan dumat pasik a.

⁴Ejel a ejel uraru tinid te imado dan inſ dam inſan daeg iwalig, you fidian dog lo yau dak lo, agod you fidian gib lo ibanai ilasa dan lo dam idu ya. You an fidian dubilisag dar igo woſ dilasa ya. ⁵An lo ſai ejel a tan san you fidian itirnai dan igo ibol dugo ſalou a.

“O Tubud Gun, oſ gubak mi mado yak, agod gamu dam mado da.

Naon saian geig amaiak oſ tamolpein pidinai an itaot mok a.

⁶Tamol warou en oſane tamolpein agod profet adi dufu dumat dugo, inſad dar ikulmaek a.

Amaiak niſen o oſ talpein a saiadi amaiak dar en duluk o pidinai a.

Dar e duluk den man, inſigned kagin saiak saiak san naon itaot ak diſane da.”

⁷Agog ſai alta igo iwagiſ dugo ſalou a.

“Awo Tubud Anut, oſ dabai fidian ama da ya.

Tamolpein a saiadi an sad urat naon oſ pidinai man rumok di itaot mok a.”

⁸Aria, ejel a ejel utol tinid te yan inſan daeg ad fufo ikulmaek a. An lo ad san wananan isida yan, tamolpein e tan na dumado den tinid inani saian geig a. ⁹Ad san yai tubun an man wananan geig a, an lo tamolpein fidian tinid inani se ya. Ago man tamolpein an Anut yaſan lo ru saiak saiak dubol se ya, man dugo, inſ duloſ uyanan ak man, Anut mi muruan a dile dan itirni se ya. Ago bo man inſ ilod dibilsag Anut yaſan ta diabisa na ya.

¹⁰Agog ejel a ejel iwoiwo tinid te yan inſan daeg ikulmaek go, mel kasik malan te yan san kalik fo idu ya, an man kiſ san kalik. Ago dugo tamolpein a mel kasik san kagin panek paen na dumado dan, sad na tidom ilasag ituanai a. Agod tamolpein an madai tubun geig ak lo inſed baled diani se ya. ¹¹Inſigned madai agod baob tinid fufo ilasa yan dam niſen o inſ kumaen panu san Anut naon dufute dupei na ya. Ak gug inſ ilod ta ibilisag, kagin saiak saiak digane na yan dam ta dubusei na ya.

¹²Agog ejel a ejel kafenda tinid te imado dan, inſan daeg you tubun ak Yufretis fufo iwalig idu yan lo, you an igos yau a. An lo kiſ adi ad ilasa san banen lo dupalu san dal ikubune ya. ¹³Agog ſai ur saiak saiak utol gurogurou igo woſ ſeil a. Inſ mot tubun ak awan lo, mel kasik ak awan lo, agod profet sewak awan lo dilasa ya. ¹⁴Ur adi emaiak mi inſ ur saiadi a. Inſ kulob girager naon sensen digane wo, dufurak go tan fidian

sad kinj sad na diau da. Injsad urat man, kinj fidian injaned yu tamol adi dutumanai o digane da, an lo dop Anut dabai fidian aman da tamolpein kot ipidinai san nal tubun ak lo, yu diabiswa.

¹⁵Agog Jesus igo ibol dugo njalonj a, “Ale. Njai nek ibol gumagam tamol ipalu dak igo wonj, anjsam na njupalu wa. Amaiak njen o talpein in njonj ta yabi na dop, injanen kulos giranjen na idirig imado dan, ka uyan isusa wa. Nal a ilasa wan san saen lo, kabelan in njunjon kawan itor dop tamolpein injsan miai dile banau.”

¹⁶Aria, ur saiak saiak kinj adi dijal dupalug aben ente dutumanai a. Aben en Hibru ru lo Armagedon dubol da.

¹⁷Agog enjel a enjel sukun tinid te imado dan, injsan daeg keit lo iwalig idu ya. Ago dugo awak dabai geig in galun gun di gun geig ak Anut san ubou ab ilon lo yen dan lo ilasa dugo igo iwagin, “En man itout a!” ¹⁸Ago man weil wei mi irafule dugo, lilijan tubun mi dunj a, ago dugo weil dilijan ak, kanaurig tubun ak dam ilasa ya. Kanaurig an man tubun geig a, kanaurig naok igo yak ta, saen tamolpein imug tan na dumado ipalug gamu yen sad na ilasa man tia ya. ¹⁹Aria, taun tubun ak itarpaleg lapan utol dilasa ya. Agod kanaurig amaiak tamolpein tinidi naon sensen ak sad taun tubun an fidian iratitale yau a. Agod Anut in taun tubun ak Babilon njen o ilon isoug, an lo gab a ilon lo wain awan isa yan injaneg Babilon ipani a. Wain an man injanen ilo mumarek tubun geig an tou ipani da. ²⁰Ago dugo nui fidian dusol go diau pasik a. Agod did fidian dam talpein ta yil san tia ya. ²¹Ago dugo ais tubun ak dudu ya. Ais lapan kisaek kisaek sad muruan 50 kilogrem igo wonj a. Keit lo ais an tamolpein tinid fufo dudu dugo daonj tinan geig dupidinai a. Amaiak lo Anut o ru saiak saiak dubol se ya, man dugo, kulob an man ilo irer san geig a.

Jeit pein tubun an naon saian ak injane ya

17 ¹Ago man enjel nunod seven daeg seven diabi dan lulunad lo enjel kisaek njai Jon njaisag na ipalug igo irupaiag a. “Onj palup, jeit pein a you wei mi fufo imasig imado dan, naon dugo wonj Anut ipani wan njukubiaip ule wa. ²Tan san kinj adi pein en da jeit kagin saen wei mi digane na ya. Tamol tan en san fidian in dam pein en da jeit kagin digane na ya. An lo man in fidian injanen jeit kagin san wain duluk na yan lo burau dilasa ya.”

³Agog enjel e njai da minjinen den, njonjamin Urgun igane ilasa yan lo njai isinag go, in da aben kawan talpein an tia yak ate mau a. Aben an lo njai pein kisaek mel kasik daran ak fufo imasig imado dugo njile ya. Mel kasik an yanjak wei mi tinin fo anua ya. Girek en lo yanjak en fidian man, Anut njen o uf ru funfun agod ru saiak saiak dam dien da. Mel kasik an kabunan seven dugo fai aman 10 kabunan fufo dilasa ya. ⁴Pein en kulos a igane yan daran a, agod sad girager daran an naok uraru a, man dugo, girager uraru an kinj

san a. Inj gol damag naon funfun, agod kululoi naon lak na yak, damag naon uyanan pat nam digane yak dam aman da ya. Inj gab gol aman da banin lo yabi da. Agod kagin naon sensen Anut malan lo iganan geig ak, pein en san jeit kagin nun anda yak gab en lo awan isag yen da. ⁵Agod pein en naon kapen fo yarjak ta digireg yen da. Yarjak an man igo ya.

Ru mianuk an.

Babilon tubun a.

Jeit pein sad tinadi mok.

Agod tan san kagin iganan fidian sad muroud imado da.

⁶Pein en Anut san tamolpein ifug dumat a, tamolpein nek Jesus yanan ilod lo rumok go, inſan yanan dubol ilasa na ya. Pein en gubak mi inſad dar iluk go, an lo nek ibol tamolpein ayu duluk pe burau digane dak igo won, ago burau imado dugo nile ya.

Saen nai ago nile dugo numasa saian go ilo sou wei mi nigane se ya.

⁷Ago man enel an igo irupaig a, “Ata wo on masa saian ak i? Pein an, agod mel kasik ak isini dan, nek a fai aman seven dugo kabunan 10 aman da yan, sad fudi nupano wa. Mitilaen en fun imianuk a, gug nai ka nufulale pano wa. ⁸Mel kasik en on ule la ya, gubak mi imado yak, gamu fon ta imado na da. Ak man murnap inj gib e fun tia yen ibiseip isuda wak gug, ideg yau geig a. Tan san tamolpein inj mel kasik en dilep dumasa saian geig a. Nek tamolpein a inaned yanadi Anut tan gamugo igane ilasa yan lo, kumaen san buk lo ta igire na yan, inj dumasa saian a. Man dugo, mel kasik en gubak mi imado yak gug, gamu ta imado na da, ago bo man murna dop kumaen fon imul da wa.”

⁹“Talpein inj kankan milaen aman da tap, inj ka mel en fun ilon uyanan a. Kabunan seven en man, did seven emaiak fufo na pein a imasig imado dan ate tou ipani da. ¹⁰Agod taida mi, kabunan seven en man kin seven ate tou ipani da. Kafen ta gubak mi dumat la ya. Kisaek gamu imado da. Agod kisaek gamugo kin ilasa da. Saen inj ilasa tap, inj saen kitekan mi kin imado wa. ¹¹Agod mel kasik e gubak mi imado gug gamu tia yen man, kin kisaek taida mi, gamu nunod seven an luad isa da, ak man inj kin nunod seven an sad warou lo dam mi a. Agop inj ideg yau a.”

¹²“Agod fai 10 en on gubak mi mel kasik en kabunan fufo ilasa dugo ule man, inj kin 10 ate tou dupidinai da. Inj gamugo kin sad dabai dinane ya, ak gug murna dop kin sad dabai dinanep auwa kisaek mi mel kasik ak dida tamolpein ditirnai a. ¹³Kin adi en man inſad kankan kisaek mi a. Inſad dabai agod yanad tubun ak da mel kasik an dupani wa. ¹⁴Kin adi emaiak inj mel kasik da Sipsip Nanun lo yu digane wa. Ak man Sipsip Nanun agod tamolpein a nien aban duri dupani dan sisem yu lo dirinani geig a. Man dugo, Sipsip Nanun man tamol tutubu yak sad Tubun a, agod kin fidian sad Kin, agod tamolpein a inj dida dumado dan man, Anut ipilianaig igiai a, agod inj awan kagin dupani da.”

¹⁵Ago man enjel an foun mi igo irupaiag a, “On you wei mi a gubak mi jeit pein fufo na imasig imado dugo ule yan, in tamolpein fidian tamol sad warou adi, tinik naon sensen fidian, muroun ru fidian agod warou tutubu geig ak dutumanig dumado dan ate tou dupidinai da. ¹⁶Mel kasik en, agod fai 10 e ule yen dam, in sisem jeit pein an lo siai digane wa. In pein an san bioun fidian dupasi idup nujon kawan ilasa wa. Agop in san tinin mudan diani dop yai lo dumarip inani yau a. ¹⁷Man dugo, Anut in sen mi kin en kankan ipidinaip, an lo kulob a gubak mi Anut nijen o ilon ibol amaiak ka digane ilasa wa. In ilo sou kisaek amad da wa. In kin dumado san dabai e digane yen, fidian mi mel kasik en dupani wa. In ago mi digane dop yaup ru a Anut gubak mi ibol an fidian nujon ilasa wa. ¹⁸Pein gubak mi ule yan man, in taun tubun e tan en san kin fidian itirnai den ate tou ipani da.”

Babilon saian igane geig a

18 ¹Murnag nai enjel sen ta kumaen panu ibiseig idu dugo nile ya. In san dabai man dabai geig a, agod ilalan a in san nag irafule ilasa dan, tan ilalan ipani sinaokan a. ²In awan dabai geig igo iwagin go ibol,

“Ale, taun Babilon tubun an dibildu ya, awo, Babilon dibili yau idu geig a.

Gamu in man bugai adi sad yaes bilabal aben ago ilasa ya, ur saiak saiak fidian sad wur igo ilasa ya, agod anakanak di yok naok fidian nun amad da yan sad wur igo dam ilasa ya.

³Ata wo, tamolpein warou fidian in da in anen jeit kagin dabai ak san wain duluk a.

Tan san kin adi dam in da jeit kagin digane na ya.

Agod tan san dade in tamol adi in Babilon san ilo masai dabai ak san kagin lo moni wei mi digane na ya, an lo in anen jeit kagin an aenta sad irinanai geig an lo, tamol filiad tubun ak igo dilasa ya.”

⁴Agog nai kumaen panu lo Anut awan igo ilasag iwagin dugo nalon a.

“An naineg tamolpein adi, an gidad aben an abiseip kuai te alasa wa.

Kabelan aupasek funfun a igane dan lo luan asa banau.

Agod kabelan an in san muruan funfun nai nupani wan ate dam atutou banau.

⁵Man dugo, in san aupasek itumanig malan tubun go kumaen panu lo isuda yau la ya.

Agod kagin saiak saiak igane na yan fidian nijen o Anut ilo sou igane da.

6 In aenta ipidinai ak igo Anut dam naon in ipani wan man babagaru a.

Ayu naok dugo inanen gab lo yak Anut inanep, ikubulip, subujan taidam ililip, urarum iluk san ipani wa.

7 Nek ibol in girager agod mel wei mi sijaokan ak dam in sen ipani se yak igo won, madai tubun geig agod ilo papao a Anut ipani wan da tou kisaek a.

In buben ago ibol, nai mi kwin, nai pein suos tia ya, amaiak ninen o nai tinar aru ngane san tia geig a.

8 Amaiak ninen o, nal kisaek ilon lo mi, naon dugo Anut ipani wan ile wa.

Naon an man matej, mala turon, agod kadag san saen tubun a. Yai man Babilon inani yau pasik a.

Man dugo, Tubud Anut e naon ipani den, in dabai tubun ak aman da ya.

9 “Tan san kin adi e gubak mi in da jeit kagin digane se yan, agod dida inanen ilo masai san kagin ate dututou se yan, yai a Babilon inani dan san yakas dile wa. In ago dile dan lo, taun an ninen o tinar aru digane dop ilo muruan amad da dumado wa. 10 In madai saian ak inane dan dile dop ninen o direr geig a. In asau mi dutur dop igo dubol,

‘Ilog imuano, Babilon, ilog imuano geig da.

Oj tubu kasik agod taun dabai geig a.

Ak man auwa kisaek ilon lo mi onane aupasek naon saian ak onsa na ilasa ya!’

11 “Dadej tamol adi tan fidian san, Babilon ninen o tinar aru digane dop, ilo muruan amad da dumado wa. Ata wo, inaned biouj didad san talpein tia ya. 12 In sad biouj wog tubun ak lo digane yau man, gol, silva, pat uyanan ak, kululoi naod lak na geig ak, yamel milkouk sijaok amadi ak, yamel daran naon funfun agod yamel silika. Agod ai naon funfun sad mumaludi uyanan ak, agod melmel naon aenta elefan san buramat nam digane ya. Mel aenta digane man, ai naod tutubu yak lo, bras, ain, agod pat girager sijaokan ak nam digane ya. 13 Inaned biouj aenta dam dien da. Sinamon nesnes nuaen san, paura, yakas mumalun uyanan igane ilasa dak, guren naon funfun mumalun uyan ak, sanda uyan ak, wain, oliv guren, plaua uyan ak, agod wit da, makau, sipsip, hos di hos karis da, agod tamol bigabeg adi dam mi a.

14 “Tamol dadej urat digane dan Babilon igo durupe i a. ‘Onane urat san nunon a on nane wo ilo ibol na yan, an fidian on sinire na tia ya, asau mi geig dien da. Melmel uyadi didaen san naon tutubu yak, agod onane biouj bala sijaokan ak an fidian dideg la ya. Ago yak ninen o on melmel en afon ule san tia geig a!’ 15 Tamol mel an lo dadej digane na yan, in

taun an san moni wei mi dijanen la ya. Inj taun an madai tubun mi injane dop dile wa, ago dop inj dam tubun mi direr a. Inj asau mi dutur pe tinan aru digane dop, ilo muruan lo dumado wa. ¹⁶Inj disasaip igo dubol a.

‘Iloma saian da, taun tubun an ningen o iloma saian geig da.

Gubak mi inj kulos milkouk sijaok amadi ak, yamel daran ak naon funfun tinin fufo idiri na ya.

Inj gol di pat sijaokan, kululoi naon lak na geig ak ate bala yabi se ya.

¹⁷Auwa kisaek an ilon lo mi, moni en inj biouj en da fidian mi ideg yau a.’

“Wog tubun ak wei mi sad unbiek adi, agod tamol fidian weinj diabi dan, weinj tamol wog lo urat digane dugo tan tutubu yak lo dutor dan, agod wog tubun amaiak sad tamadi fidian mi, dutur pe asau mi geig dumado wa. ¹⁸Ago dop inj Babilon yai inani dak san yakas dile dop disasaip igo duwagin a, ‘Taun dugomaiak inj taun tubun en da naon kisaek i?’ ¹⁹Inj tan san gufgaf duburoup, sed kabuqad fo dusuwarip, tinan aru digane dop ilo muruan amad da dumado wa. Ago dop inj igo duwagin a,

‘Iloma imujano, o oj taun tubun ak iloma tubun mi imujano da.

Wog tubun ak taman adi beig lo dutor dan, inj taun amaiak san moni tutubu yan lo moni tamol dilasa ya. Iloma imujano da.

Auwa kisaek ilon lo mi saian gane geig a!’

²⁰“Anj kumaen panu san tamolpein, Babilon ningen o gidad uyasusai tubun mi agane wa!

O anj gun adi, aposel adi agod profet adi uyam isusa wa.

Man dugo, Anut taun en san kagin ipupig ile yak ningen o naon saian ak ipani a.”

²¹Ru an itout go, ejel dabai ak kisaek pat tubun ak ta ate wit dufufari idu dak injane ya. Inj pat en yabisag beig lo ibildu ya. Inj igo ibol,

“Kagin amaiak lo inj Babilon tubun an dijanep dubildu dop inj fon ta dile geig na wa.

²²O Babilon, gita san lilijan, dum san lilijan, barag san agod dum wek naon funfun onsa ar lo fon ta ilasa na wa.

Oj lo tamol adi insad urat pinein adi urat dugomaiak digane san majau dupidina man, fon ta ilasa na wa.

Pat wit ifufari san ibob dan, inj fon oj lo ta ilasa na wa.

²³Lam san lilaman onsa na fon ta ilasa na wa.

Pein tamol nug iwon iwon awad onsa na fon ta dulonj geig na wa.

Gubak mi onjane dadenj tamol adi, inj tamol tutubu geig tamolpein aenta malad lo dumado na ya.

Oj nawir naon funfun gane dugo, an lo oj tamolpein warou fidian rawai na ya.

24 Anut taun en ilon lo abanj ile dugo dar tubun mi kuai ipani a.
 Dar an man profet adi agod injanen tamolpein gun ak sadi a,
 agod taun en ilon lo man tamolpein fidian a gubak mi dufu dumat
 ak sad dar ikulmaek idu yan dam ante yen da.”

Tamolpein Babilon daonj injane yan dile yak ninjen o uyasusai digane ya

- 19** ¹Mel en itout go, naj mel ta waginj tubun ak igo wonj kumaen
 panu san tamolpein warou tutubu yak dubol dugo njalonj a.
 “Aleluia,^j id Anut per tupani wa!
 Patud pasek, girager agod dabai da injan mi a.
²Man dugo, injan kot man rumok di itaot mok a.
 Inj jeit pein tubun en, injanen jeit kagin lo, tamolpein tan san fidian
 mi injaned madok malan isue dugo nun dilasa yan, yabi idu ya. An
 lo naon itaot ak ipani a.
 Pein en injan aupasek lo Anut san urat tamol di urat pein ifug
 dumat an lo aupasek amaiak gamu naon ipani a.”
³Inj fon mi igo duwaginj a.
 “Aleluia!
 Taun tubun en yai inani da, amaiak san yakas pempem mi lak na
 isuda yau da.”
⁴Matu gurman adi 24 inj mel iwoiwo kumaed dumado dan dam, Anut
 kinj san kalik fufo imado dan, naon na turud dusoluwig inj ubou an dile
 ya. Inj igo dubol a,
 “Rumok. Aleluia, manj Anut per mupani da!”
⁵Agog talpein ta awan kinj san kalik lo ilasag igo iwaginj go ibol,
 “Anj idsad Anut san urat tamolpein, anj Anut per apani wa.
 Anj tamolpein kawan ak,
 agod tamolpein yanjad anda yan,
 anj fidian mi gamu Anut yanan abisa wa!”
⁶Agog naj lilijan tubun ak nek ibol tamolpein warou adi dutumanig
 dumado dugo sad ru ilasa dak igo wonj njalonj a. An man nek ibol you wei mi
 sad lilijan ilasa da, tia, weil tubun mi ilijan dak igo wonj a. Inj igo duwaginj da,
 “Aleluia, id Anut per tupani wa.
 Ata wo, idsad Tubud Anut dababai fidian mi aman da yak, gamu kinj
 rumok imado da.
⁷Gamu id ilod uyan pe yousai tubun mok tigane wa.
 Ata wo, Sipsip Nanun inj iwon pein injane san nal idu ya,
 agod injan pein sen bala ipanig malan igane da.
⁸Anut ilon ibol an lo man, kulos milkouk sinjaokan geig ak pein an
 injaneg idiri a.

^j Hibru ru ‘aleluia’ san fun: Yawe per tupani.

Kulos en ikokan di lilaman geig a.”

(Kulos e milkouk siñaokan en, in Anut san tamolpein sad kagin itaot digane na yan ate tou ipani a.)

⁹Agog enjel an igo irupaiaig a, “On ru igo gire wa. Talpein e Sipsip Nanun pein inane san anan tubun ak lo Anut igiaig dupalu yen, uyasusai digane wa.” In fon mi igo irupaiaig, “Ru en man Anut san ru rumok a.”

¹⁰An lo gug nai enjel en siniren na turug nusoluwig in ubou an nile wo da. Ak man in igo irupaiaig, “On gidad ago ta gane na wa. Nai man on tei murou nek a Jesus nigen o ru diabi dabai dan dida, id sisem urat kisaek a. On Anut mi ubou an ule wa! Man dugo, idsad ru Jesus nigen o tabol ilasa dan, nek an mi profet adi sad ru fun mok a.”

Jon in tamol hos milkouk ak fo imado dugo ile ya

¹¹Nai kumaen panu awan ipasig, hos milkouk ak imado dugo nile ya. Tamol a yan an Uyan di Rumok dubol dan hos an fufo imasig imado se ya. In kagin itaot mok an lo mi tamolpein kot lo ibitiniai dak agod yu igane da. ¹²Inanen malan man yai ided on da, agod in kin san kitikat wei mi kabunan fo dien da. In tinin fo yanak kisaek girek a, agod insen kisaek mi yanak an ilon a, tamol aenta man tia ya. ¹³In kulos igane dan gubak mi dar lo dusomini a. Agod in yan an igo dubol, Anut san Ru. ¹⁴Kumaen panu san yu tamol adi, agod yu pein adi dam, insiganed hos milkouk ak fo dumasig nien aban dirig patun fo dida dupalu se ya. In kulos milkouk sisinaok amadi ikok geig ak didiri a. ¹⁵Sabiri kisaek luon geig ak ta tamol an awan lo ilasag gidigheid yau se ya. Sabiri an lo in tamolpein warou fidian ibiai dudu wa. In makud ain yabip, an lo tamolpein warou fidian itirnai dabai a. In pat bod tubun ak lo wain patun ipipi wo ipartitale wa. Wain an man Anut dabai fidian aman da yan san tinae mumarek tubun geig ak ate tou ipani da. ¹⁶Insan kulos milaen an fo, agod nien dam fo yanak en digire ya.

Kin fidian sad Kin,

agod tamol tutubu yak fidian sad Tamol Tubun a.

¹⁷Agog nai enjel kisaek ad malan lo itur dugo nile ya. In awan dabai geig lo anakanak keit titinaem durou dan igiaig igo ibol, “An apalup atumanip, Anut san anan tubun en malan agane wa. ¹⁸An kin adi sad tinidi, yu tamol sad yu gurman dababai ak, hos agod tamol hos fufo dumado dan, tinidi ka ani wa. An tamol fidian, tamol sen ka bigabeg dumado dan, tamol kawan dutor dan, tamol gidigheid ak, agod tamol yanad aman da yak, sad tinid mudan ani wa.”

¹⁹Agog nai mel kasik en, agod tan san kin adi agod sad yu tamol dida dupalug dutumani dugo Neil a. In dutumanig an lo Tamol e hos milkouk ak fufo imado den, inanen yu tamolpein dida in lo yu digane wo da. ²⁰Ak man Tamol e hos milkouk ak fufo imado den, mel kasik an yabig isubani

a. Profet sewak an dam yabig isubani a. Profet sewak en mel kasik an naon na kulob girager wei mi idiri ilasa na ya, an lo tamolpein a mel kasik an san kob iḡane dugo, san mitilaen dam ubou an dile yan, irawai se ya. Agog mel kasik iḡ profet sewak da, nuḡod uraru kumaed dumado dugo, gib saltek tubun en lo pat salfa awan isag, inani dak lo diabibol dudu ya. ²¹Ago dugo Tamol e hos fo imado den, iḡsan sabiri awan lo yen dan ate, mel kasik san yu tamol ifug dumat pasik a. Agog anakanak adi fidian yu tamol adi sad sisanun dianig, luad ikafut idu ya.

Kristus anaḡar 1,000 tan na tamolpein itirnai a

20 ¹Ago man ḡai eḡel ta kumaen panu ibiseig tan na idu dugo ḡile ya. Iḡ banin lo man gib kuror fun tia yak san ki yabi dugo sein tubun geig ak ta dam yabi a. ²Eḡel en tan na ilasa dugo mot tubun en yabi a. Mot en man wagam geig ak san, yaḡan Satan dubol da, yaḡan taidam Uf Ru San Ur ago dubol da. Aria, eḡel en yabig sein nam isubanig, subanek lo anaḡar 1,000 ago imado wa. ³Eḡel en Satan ibal gib kuror fun tia yak lo idu ya. Iḡ gib en san dalawan ifutanig lok iḡaneg dabai geig dugo, Satan kuai te ilasa san tia geig a. An lo Satan fon tamolpein warou fidian dumado dan irawai san dal tia ya. Satan gidad malan iḡane dop, anaḡar 1,000 yau gup, dubuseip kuai te ilasap saen katukan mi gidigidad itor a.

⁴Iḡai kalik wei mi ḡeil a, iḡ nek ibol kiḡ adi sad kalik iḡo woḡ a. Ago dugo tamolpein kalik an fufo dumado dak ḡutudi dam ḡeil a. Anut iḡ tuod lo tamolpein bitinaek lo didiri san dabai ipidinai a. Tamolpein en Jesus o ilod lo rumok, iḡsan ru diabi sakar dugo, dubol ilasa na ya. Iḡ dam mel kasik an, agod san mitilaen dam ta ubou an dile na ya, agod mel kasik an san kob man, iḡ banid fo, tia, iḡ naod kapen fo ta diḡane na ya. Fun amaiak niḡen o ager adi burodi dutute dugo dufu dumat na ya. Tamolpein emaiak fon kumaed dumasag kiḡ iḡo woḡ Kristus da sisem anaḡar 1,000 dumado na ya. ⁵Aria, en man tamolpein mutou lo yak foun dumasa dak sad saen malan te ya. (Tamolpein aenta dumat la yan, iḡ saen an lo kumaen ta dumasa na ya. Saen anaḡar 1,000 itout gup, tamolpein an kumaen dumasa wa.) ⁶Tamolpein malan te mutou lo foun dumasa dan, ka ilod uyanan pe uyasusai tubun mi diḡane wa. Mateḡ murnai san man, tamolpein naok amaiak ibiai dudu san dabai an tia ya. Tia, iḡ Anut Kristus da sad pris adi ago dumado wa. Ago dop iḡ Kristus da anaḡar 1,000 en lo tan na tirnek tamol iḡo dumado yau a.

Anut Satan daoḡ ipani a

⁷Aria, saen anaḡar 1,000 en itout dop, gib kuror fun tia yak ate Satan subanek lo imado dan awan dupasip subanek ibiseip ilasa wa. ⁸Satan tamolpein a tan titin fidian lo dumado dan irawai o kuai te ilasa wa.

Tamolpein an man Gok in Magok da sad warou adi. Satan itumanaip yu diabisa wa. Insad yu tamol sad sutek man lon na lul igo won a. ⁹Yu tamol an tan titin fidian lo dupalup tan aten fo turen diabip, gun adi sad aben agod taun tubun ak e Anut ninen o imat den ate dilasap disalti wa. Ak man, yai kumaen panu lo yan idup, yu tamol adi an inanai pasik a. ¹⁰Agog Satan gubak mi rawek igane se yan diabip, yai saltek a pat salfa ided dan ilon lo dibili idu wa. Ante man mel kasik ak in profet sewak da gubak mi diabibol dudu la ya. Ago dop nunod utol an ad tidom pempem mi madai dam muruan dam disini wa.

Kot tubun ak ilasa ya

¹¹Agog nai kalik tubun milkouk ak, agod Enti in kalik fufo imado dan dam neil a. Tan keit da in naon na dien san ta idaisuda na ya, an ninen o dusol diaug itout yau a. ¹²Ago dugo nai tamolpein yanad aman da yak, tamolpein kawan a dam dumat la yan neil a. In kin san kalik naon na dutur se ya. Kot san buk awad dupasi dugo, buk taidam awan dupasi a. An man kumaen san buk. Gubak mi kulob dugo dugo tamolpein digane na yan, an fidian buk lo digire ya. Aria, gamu Anut in buk an ilod lo ile dugo, ru dugo digireg yen den iri panim, ago mi tamolpein dumat la yan sad kagin naok naok atem, naon atem itaot mok ipidina se ya. ¹³Tamolpein ensauta beig lo dumat go ate dumado dan, in dumasag beig dubuseig kot lo diaug dutur se ya. Tamolpein ensauta a Matej in Ades da lo dien dan, in dam dumasag kot lo dutur se ya. Ago dugo Anut tamolpein an fidian mi sad kagin dugo dugo tan na digane na yan bitinaek lo idirai dugo naon ipidina a. ¹⁴Agog Matej Ades da yai saltek an lo diabibol dudu ya. Yai saltek an man matej murnai a. ¹⁵Tamolpein fidian yanad kumaen san buk ilon lo ta yen na tap, yai saltek lo diabibol dudu diau a.

Anut melmel fidian idiraig foun dilasa ya

21 ¹Nai malag yang keit foun ak in tan foun ak da dien dugo neil a. Tan wagam ak in keit wagam ak da ditout diau la ya, agod beig dam itout yau dugo foun ak ta aben inane man tia ya. ²Nai Anut san taun tubun ak nile dan man, Jerusalem foun a. Nai malag lo Jerusalem foun an Anut san kumaen panu ibiseig idu se ya. Insan bala man uyanan geig a, nek ibol pein tamol inane wo damag dupani ak igo mi a. ³Ago dugo kin san kalik fo na talpein ta awan dabai geig ak, igo iwagin dugo nalon a. “Alon ak, gamu Anut inanen tamolpein lulonad lo imado da. In dida sisem turen diabi wa. Tamolpein en man Anut san warou mok a. Anut in sen mi dida dumado wa. ⁴In tamolpein an malad turon isasi pidina dop fon ta dumat na wa. In ilo muruan dam tina dam tia wa. In madai fon mi ta dile na wa. Man dugo, melmel wagam ak san man gamu itout geig a.”

⁵Enti a kiŋ san kalik fo imado dan igo ibol, “Aloŋ ak, ŋai melmel fidian ŋidiraig foun ak dilasa wo da.” In fon mi igo ibol, “On ru en gire wa. Ru en man rumok geig a. Tamol fidian ru en ka ilod lo rumok a.”

⁶Agod in igo ŋai irupaig a, “Melmel fidian dilasa la ya. ŋai mi malan te ŋumado dak, ago mi murna dam ŋumado wa. ŋai mi fun, agod ŋai mi wadan. Gidad talpein ta kulagun igos dop, ŋai you kumaen san e sen ibanai den ŋiŋanep, naon tia kawan ŋupanip iluk a. ⁷Talpein enti yu igane itout dop mel en fidian inŋad tamad imado wa. ŋai man inŋan Anut, agod in dam ŋaineg nanug mok a. ⁸Ak man, talpein a direr dugo dusuk dumul dan, talpein a inŋaned ilo rumok patud dupani dan, a kagin saian geig nun anda yak digane dan, talpein a dufu dumat dan, a jeit kagin digane dan, a nawir digane dan, a tubud sewak adi lo dugudani dugo sad ubou leil digane dan, agod tamolpein fidian ru sewak dubol dan, inŋaned aben man, yai saltek pat salfa lo ided dan ate dumado wa. En man materj murnai a.”

Jon Jerusalem foun ak ile ya

⁹Enjel seven inŋad daeg lo muruan seven a tamolpein malad isue san awan isa yan diabi da. Aria in lulugad lo enjel ta kisaek ŋaisag na ipalug igo irupaig, “On palup, ŋai nug ŋanek san pein ŋukubiaip ule wa, an man Sipsip Nanun san pein.” ¹⁰Ago dugo enjel en, ŋioŋamin Urgun igane ilasa yan lo ŋai isinag go, in da did tubun lak na geig ak fo mau a. Ante man in taun tubun gun ak Jerusalem ikubiaig ŋai ŋile ya. An Anut san na kumaen panu ibiseig idu dugo leil ŋupani se ya. ¹¹Anut san lilaman girager tubun an naon senamo geig taun an lo irafule dugo aban kuai isi a. An nek ibol pat siŋaokan yaŋan jasper naon lak na geig ak igo wonj a. Pat jasper san lilaman man pat daran di kadabog, agod mum igo wonj ided da, siŋaokan geig man nek galas onj a. ¹²Taun en man inŋan ar tubun di lak na geig a. Inŋan dalawan 12 ar ate dien da. Enjel 12 dalawan an siŋired na dutur se ya. Agod Isrel gugoi 12 sad yaŋadi dam dalawan ate digireg dien da. ¹³Ar en san titin ad ilasa dak lo man, san dalawan utol a. Inŋan titin not lo man dam dalawan utol, saut lo dam utol a. Ar titin ad idu yau dak lo an dam utol a. ¹⁴Pat 12 taun en san fun dabai dupanig dien da. Sipsip Nanun san aposel 12 an yaŋadi dam pat en fo na digireg dien da.

¹⁵Agod enjel e ŋai da mukubiai den, makud gol ta lo tou igane san aman da ya. In taun tubun en, agod inŋan ar, agod ar san dalawan dam touad igane wo da. ¹⁶Taun tubun en san giran iwoiwo yan san tou man naon kisaek a. Inŋan milaen inŋan tubun dam tou naon kisaek mi a. Enjel makud an nam taun tou yabig, san tou man 12,000 kilomita igo wonj a. Taun giran iwoiwo yan, san lak na dam fidian sad tou naon kisaek a. ¹⁷In taun an san ar tou yabig, ar san bubaŋan san tou man 144 mita igo

wonj a. ¹⁸Taun an san ar man, Anut gubak mi pat sijaokan daran di tinin mum ak nam igane ya. Taun inſen man Anut gol nam igane ya, sijaokan geig di ibol galas onj a. ¹⁹Taun an san ar fun man, Anut pat sensen naod lak na yak nam damag ipani a. Pat sijaokan ar fun te man jaspā. Tinin te man pat yedyed ak yaŋan safaya. Ta man pat girager wei mi dukubuli dan yaŋan aget. Ta man pat mum ak yaŋan emeral. ²⁰Pat kafen ak san girager man daran di milkouk da, yaŋan onikis. Pat sukun an man daran, yaŋan konilian. Pat balab man kadabog, yaŋan krisolait. Pat mum ak ta man naon sen ak ibol beig onj yaŋan beril. Ta man pat kadabog ak yaŋan topas. Ta yaŋan krisopres, san girager kitek mum onj a. Ta yaŋan aiasin, san girager man daran di kadabog da dukubuli a. Ta yaŋan ametis, san girager man ibol daran di yedyed da dukubuli igo wonj a. ²¹Dalawan 12 en man, kululoi milkouk 12, sad naod man lak na geig a. Dalawan kisaek kisaek atem kululoi tubun ak kisaek kisaek nam digane ya. Taun san dal malan te yak gol nam digane ya, agod san leil man nek ibol galas onj a.

²²Ijai ubou ab ta taun en lo yen dak ŋile man tia ya. Tia, Tubud Anut inj dabai fidian anda yan, Sipsip Nanun da inſed mi ubou ab san aben diŋane ya. ²³Taun en lo ad inj kalam da lilaman digane san urat amad tia ya. Tia, Anut san ilalaŋ tubun an mi lilaman ipani da. Agod inſan lam man Sipsip Nanun mi a. ²⁴Tamol warou fidian man taun en san lilaman lo dutor a. Ago dop tan san kiŋ adi iŋaned filiadi an disinip inſan na dupalu wa. ²⁵Ad lo inj ar san dalawan ta dufutani na wa. Tidom fon taun an lo ta ilasa na wa, an lo man ar san dalawan pempem mi ikasap dien a. ²⁶Tamolpein warou fidian sad melmel girager amad da yak, agod mel uyanan dam disinip taun an lo diladu wa. ²⁷Mel ta nun anda yak taun an lo ta iladu na wa, tia geig a. Tamolpein a miai kagin, agod rawek kagin digane dan dam ta diladu na wa. Tia, tamolpein a iŋaned yaŋadi Sipsip Nanun iŋanen kumaen san buk lo digire yan mi ka diladu wa.

You kumaen san agod ai kumaen san

22 ¹Agog eŋel en ŋai you tubun ak ta ikubiaig ŋile ya. You en kumaen san, inſan lilaman nek ibol galas onj a. You en Anut inj Sipsip Nanun da sad kalik paen na ilasa dugo, ²taun titiŋae mi yau da. You san awan gigin aenta lo agod aenta lo dam ai kumaen san dutur da. Inj anaŋar kisaek ilon lo saen 12 nuŋod dufu da, kalam kisaek kisaek ate mi. Ai roudi an tamolpein subam ad da yak ikubuniaſi san. ³Mel ta Anut san misilanek ru paen na yen dan taun en ilon lo ta yen na wa. Anut inj Sipsip Nanun da sad kalik kisaek an mi taun an lo yen a. Ago dop Anut san urat tamol, urat pein dam inj lo ubou dile wa. ⁴Tamolpein en Anut naon ka dile wa, agod inj yaŋan man naod kapen fo igirep yen a. ⁵Tidom fon ta ilasa na wa. Lam inj ad da lilaman digane san urat amad tia wa. Tia, Anut inſen mi inſad lilaman. Agod iŋanen tamolpein an inj kiŋ agod kwin dilasap pempem mi ago dumado wa.

⁶Enjel e naj da mukubiai den igo irupaiag a, “Ru en fidian man rumok geig a, tamol fidian ru en ka ilod lo rumok a. Agod Anut Tubun ak in profet ntutudi sad Anut, inanen enjel idinig urat tamol adi agod urat pein dam, mel fidian mitep ririan dilasa san ikubiai pidinai o ipalu ya.”

Jesus ririan imul ipalu wa

⁷Jesus ibol, “Alonj uyan. Naj ansam na npalu san saen sumeik la ya. Aria, talpein ta Anut san ru murnap ilasa san buk en lo yen den iri ipani dan, uyasusai ka igane wa, man dugo, in bar uyanan inane wa.”

⁸Naj Jon, naj ru en nalonj dugo mel fidian dam malag nam nile ya. Agod saen naj nalonj dugo nile yan man, naj enjel emaiak mel e fidian ikubiag nile yen, nien fun na turug nusoluwig in lo ubou nile wo da. ⁹Ak man in naj irupaiag, “Onj gidad ago ta gane na wa. Naj onj da urat kisaek a. Taida mi, onane tei tao profet adi, agod tamolpein a buk en san ru diganuri dan manj dida urat kisaek a. Anut mi ubou an ule wa!”

¹⁰In fon mi naj igo irupaiag a. “Profet ru buk en lo yen den, onj ta pirani na wa. Tia geig, man dugo, ru en nunon ilasa san nal man ipalu sumeik a. ¹¹Saen katukan ak ninen o, talpein kagin saiak saiak digane dan in ago mi ka digane wa. Talpein kagin nun aman da yak digane dan, in dam ago mi digane yau a. Talpein kagin itaot digane dan, kagin nek ago mi ka digane yau a. Agod gun adi dam inaned kagin gun an mi ka digane yau a.”

¹²Jesus igo ibol, “Alonj ak, naj npalu san saen sumeik a. Naj tamol fidian inaned urat emaiak san naon npudinai san nisinip npalu wa. Naj tamol kisaek kisaek urat dugo dugo digane na yan atem itaot inaned urat naon npudinai a. ¹³Naiseg mi imug nmado yak, agod wadan lo dam nmado wa. Naj mi malan te nmado dak, ago mi murna dam nmado wa. Naj mi fun, agod naj mi wadan.

¹⁴“Tamolpein inaned kulos dufulani la yan, in uyasusai digane wa. In ai kumaen ipidinai san an ate anan ka dinane wa. Agod in taun san dalawan lo ka diladu wa. ¹⁵Ak man gown adi agod tamol adi a nawir digane dan, tamol jeit kagin digane dan, tamol dufu dumat dan, a tubud sewak lo ubou dile dan, tamol fidian a kagin sewak duri dupani dan, tamol naok amaiak taun san ar patun fo dumado wa.

¹⁶“Naj Jesus, naj gubak mi naisag enjel nidinig ansam na yau a, an lo ru e anj Kris midaen adi alonj la yen irupaiag a. Naj man kinj Dawid san ai dabin, agod inisan malan kubulan. Naj man patui nek a salso idu dop ided dan nek ama ya.”

¹⁷Awan Ur in Sipsip Nanun san pein da Jesus durupeig ago dubol, “Onj palu.” Agod talpein enti buk en lo ru ilonj dan in dam ka ibol, “Onj palu.” Talpein enti kulagun igos pe iluk o imat dop, in ka ipalup you kumaen san an naon tia kawan inane wa.

¹⁸Ŋai ru dabai nam tamolpein fidian a profet ru buk en lo dulong an ŋurupidai da. Talpein enti buk en lo ru sen ta ibate dop, aria, buk en lo mel saian geig Anut niŋen o ibol en, Anut iŋsen mi ibatep talpein an san na ilasap isini wa. ¹⁹Taida mi, talpein ta iŋ profet ru aenta buk en lo yen den ipasi yau dop man, muruan naok en iŋ isini wa. Iŋ ai kumaen an lo anaŋ ta iŋane na wa. Agod Anut san taun niŋen o buk en ibol dak, ilon lo ta imado na wa.

²⁰Tamol mel en fidian niŋedi wo ibol ilasa den, gamu igo ibol, “Rumok nuŋon, ŋai milaen tiap ŋupalu saltik oŋ a.”

Rumok. O Tubun ak Jesus, oŋ palu!

²¹Tubun ak Jesus iŋanen ilo panek aŋ Anut anen tamolpein fidian mi ida ka amado wa. Rumok.